

## ባጽዕ፡ ዐመልያት ዕንታት ልትሰርገል

እት መዲነት ባጽዕ፡ እብ መዓወነት ሐሽም ሐካይም ሱዳን 'አልበሰር' እግል 325 መዋጥኒን ዐመልያት ዕንታት ገብኦ።

እት ምን ዮም 3 አክስ 6 ማዕ ዲብ እስብዳልየት ግራር ለገብኦ ዐመልያት፡፡፤ ርእየት መሻክል ለዐለ እግሎም መዋጥኒን፡ ምን ክሉ ምዴርያት ቅብለት በሐር ቀየሕ ለመጸአው ወቀደም እለ መዋዕድ ህዩባም ለዐለው ክም ቶም ተአመረ።

ሙዲር ዓም እስብዳልየት ግራር ዶክተር ኢዮብ በዩኔ እግል ኤሪን እት ሀበዩ ሐብሬ፡ ለበርናምጅ እብ ክሉ ሳፊ ወሰርጉል ክም ዐሉ፡ እሊ ህዩ ፍገሪትለ ቀደም እለ ዲብ

ክሉ ምዴርያት ለገብኦ አትፋዝየት ክምቲ ሸርሐ።

እምበለ ዐምልያት ለገብኦ እግሎም፡ ለትፈናተ ሕማም ዕንታት ለዐለ እግሎም ዝያድ አልፍ መዋጥኒን ደወ ወናዙር ክም ትህዩበው እንዴ ሐበረ ዶክተር ኢዮብ፡ እግል ሸነት ዐወር፡ ፈሀም ሙጅተመዕ ዲብ ዳፍያት አሰባብ ዐወር ወቀሎት ምህም ክምቲ አፍህመ።

እሊ ክል ሰነት ምስል ሐሽም ሐካይም ዕንታት ሱዳን (አልበሰር) እበ ትገብእ መዓወነት ለልሰርገል በርናምጅ፡ እብ አላት ጥወር ለትተለ ሰበት ቱ፡ ዲብ አቅለሎት መሻክል ዕንታት ዶር ዐቢ

ለቀድም፡ ወምን ሕድ ተጃርብ እግል ልትባደሎ ለሰዴ ክም ቱ እብ ተውሳክ ሸርሐ።

መመቅረሓይ ሐሽም 'አልበሰር' ዶክተር መሐመድ ሕሴን እግል ኤሪን እት ሀበዩ ሐብሬ፡ ዲብ ክል ሰነት እት ኤሪትርዩ ዲበ መጽኦ እት ኢነት፡ ለትገብእ እግሎም መዓወነት፡ ወናይ ነዘሞት በቃዕት ሐመደ።

ሐሽም ሐካይም ሱዳን 'አልበሰር' ዲበ ሐልፊዩ 12 ሰነት ዲብ አቅሊም ቅብለት በሐር ቀየሕ ሌጦ እግል ዝያድ 2,200 መዋጥን ዐመልያት ዕንታት ክም ወደ፡ ወሳይቅ እስብዳልየት ግራር ለአፍህም።



## አቅሊም ምግብ፡ ሰሚናር እግል ደረሰ 11<sup>ይ</sup> ፈሰል ልትህዩብ



ፈርዕ ውዛረት ተዐሊም አቅሊም ምግብ፡ ዲብ መድረሰት ካልኣይት ደረጃት ዋርሳይ ይካኣሎ ሳወ ናይ 12ይ ፈሰል ድራሰቶም



እግል ለአተላላዩ ዮም ዓመት ሳወ ለልትከረው ደረሰ 11ይ ፈሰል መሓደራት ሀበ።

ዲበ ምን ዮም 18 አብሪል

አሰክ 4 ማዕ ዲብ 23 መድረሰት ካልኣይት ደረጃት እግል ህለው ዝያድ 6 አልፍ ደረሰ ለትህዩበ መሓደራት፡ ዲብ ሀደፍ መትከራዮም

አሰክ ሳወ ወዲብ ናይ ካልኣይት ደረጃት እምትሓን ፍገሪት ሰኔት እግል ለአምጽኦ እግል ልትብዕው ለወጅብ እግቡይ ለረከዛ ቱ።

ዲበ መሓደራት፡ ሳወ እምበል ብንዩት ዐቅል ወገሮብሙ፡ ሸባብ ለትቀደሙ ዶር፡ ምን ኩሉ ድዋራት ወጠን ለመጽኦ ሸባብ ደረሰ፡ እብ አደብ ሰኔ እግል ልትረበው፡ ተፍኪር ሕበር እግል ለአሰብቁ፡ ወሰዋልፍ ወጠን ለከሰቦ እት ምሕል ወጠንዩት ወውሕደት ክምተ ልትሸረሕ እት ሀሉ፡ ደረሰ ለረክቡ አርዛቅ እብ ዋጅብ እግል ልትነፍዮ እቡ መትፋቀዲ ትቀደሙ።

ዲብ ፈሪዕ ውዛረት ተዐሊም አቅሊም ምግብ መስኡል ውሕደት ካልኣይት ደረጃት መምህር ዮውሃንስ ሰለሞን፡ ለመሓደራት እብ ክቱብ ወሰወር ለትተለ ሰበት ዐሉ፡ ደረሰ እብ ገበይ ቀላል እግል ልፍህሙ ለሰዴ ክም ዐለ ሸርሐ።

ዮም ዓመት፡ ምን አቅሊም ምግብ፡ ዲብ መድረሰት ዋርሳይ ይካኣሎ ምን ልትከረው ዝያድ 6 አልፍ ደረሰ ለ54% አንሳት ተን።

## ጋሽ-በርከ፡ ከራብ ዕጩይ እግል ትትህወን

ዲብ አቅሊም ጋሽ-በርከ እብ ዓመት፡ ዲብ ምዴርያት ጋሽ-ልዓል ህዩ እብ ፍብቲት፡ ዲብ ተአኪ ትመጽእ ለህሌት ከራብ ዕጩይ ወዐዳውት አው ከደን እግል ትትህወን፡ ለከሰሶም ጅሃት እብ ሕበር እግል ልክደሞ ወምስዳር ትርድት እግል ልንሰኦ ዲብ ሕፍዘት ዕጩይ ወሐዋን-ክደን ለሸቁ ትላከው።

ቀደም እለ እብ ርዝቅ ዕጩይ ወአው ከደን ትትአመር ለዐለት ምዴርያት ጋሽ-ልዓል፡ መስኡልየት ለኢትትሰምዮም አፍራድ እቦም ትጀሬ እት ለህሌት ደማር፡ ዲብ ትትገልሐ ትመጽእ ሰበት ህሌት፡ ሐዋናት ከደን ረይሞ ወሰርቶ ክም ህለው ረአዮም ለሀበው መዋጥኒን ሐበረው።

ዲበ ሐልፊ አያም ቅሩብ፡ ዲብ እዳረት ደዋይሕ ኡጉሙ፡ ሐቱ ሐርማዝ እብ ወልደ ሰበቡ እበ ኢተአመረ ማይተት ክም ጸንሐት ወክልኤ ንጎተ እንዴ ትበተከዩ ክም ትነስአዩ መስኡል ዕጩይለ ደዋይሕ እግል ኤሪን ሐበረ።

እግል አንሰሶት ሐረምዝ እንዴ ትበህለ ዲብ ምዴርያት ጋሽ-ልዓል፡ ጎኜ ወሀይተተ አካናት ፍንቱይ ምንመ ሀለ፡ መዋመጦሩ እግል ልትሸቁ ለትሰተተ አሸራም፡ብንዩት ትሕትየት ወንዛም ዓቅቢት ሰበት ኢገብእ እሉ ላኪን፡ ለበርናምጅ ፍገሪት ክም ኢትረከበት ምኡ ለሃይበት ረአይ ለአፍህም።

ዲብለ እት ለአከርሶ ለልጸበዋዕ ለልትቀረር ጀዘ፡ ለሰይሕ ክም ኢትን እንዴ ሐበረው፡ ለልትሐከም

ጀዘ ተቅዩር አሳሲ እግል ልግበእ እቱ፡ ዲብ ሕፍዘት ዕጩይ ወአው ከደን ለሸቁ ጅሃት ህዩ ለለአትሐዜ አላት ወአትናያት እግል ልግበእ

እግሎም አትፋቀደው።

ወኪል በዐል ሰልጠት ዕጩይ ወሐዋናት ከደን አቅሊም ጋሽ-በርከ አሰይድ ተከስቱ ክፍለማርያም ዲበ ሀበዩ ሐብሬ፡

ከራብ ዕጩይ ወ ዐዳውት አው ከደን እግል ሀወናት፡ ሙጅተማዕ እብ ዓመት ለከሰሶም ጅሃት ህዩ እብ ፍንቲት እግል ልትዓወኖ ትፋን።





78 2



ምን ደረሳሁ ለዐቤኮ አነ ሰባት  
ዐልኩ፤ ክሉ ለሁቱ ልብሉ ሰኒ  
ልትፈህመኒ ዐለ። እምበል እሊ

እት ወቅት ከረም ለንትዐደዩ መሓዝ ውሓይዙ ደሐን ሰበት ዐላ፡ ክልነ ደረሰ እደይ ሕድ እት እንጽብዋ ነሐልፉ ዐልኑ። ምን ገጽ ሐር ደኣም ማየ ወመሓዝ እት በዜሕ ወእት በረድ እት ልትቀየር ክም መጹ፡ እት እገርነ መጺጸት ብዝሕት ትትሰመዐነ ዐለት። እት ወቅት ሰልፍ እስታዝ ዱሼን እግለ ሰኒ ንኣይሽ ለገብአው ደረሰ፡ እብ ክልክልኤ በህለት እግል ምር እት ዐረዱ እንዴ ረፍዐዩ ወእግለ ክልኣይ እት ሕቅፉ እንዴ ጸብጠ ለዐድዮም ምንመ ዐላ፡ ሐር ላኪን ለውሒዝ ሰኒ ትኬለመ። ሽዑብለ ደዋዩሕ፡ ዱሼን እግል ደረሳሁ እት ራሬዕ ወለዓዴ ክም ልርኡ፡ ሚክሰቱ እሊ ሓግል እት ልብሎ ልትሰሐቀ እቱ ወለኣትናኡሹ ነብረው። እብ ፍንቲት ለቱጃር ወቅት ከረሞም እት ውቁል ኣድብር ሰበት ለሓሉፉ፡ እብ ገበዮም እት ሐልፎ፡ ኣጀኒት እንዴ ረፍዐ እት ለዐድዮም ሐቐ ልርኡው፡ እት ልትሰሐቀ “እሊ እናሰ ሀቢላይ ትርእዉ ሀሌኩም? እለ ብኒት ወትርድት ገኖቡቱ ወውቀል ብዋረቱ ክልኤ እሲት እንዴ ሀደ፡ እተን ምን ለኣበልዩ እንዴ ኢኮን፡ እሊ ደሀብ ዕምሩ ኣጀኒት ጸሩ ከድም እቡ ህለ? ምንኹርተ እለ!” እት ልብሎ ለኣትቀናፎቡ። መሓዝ ልትዐደው እት ህለው ለኣፍሩሶም እምበል ግዛም እት ለኣትጋልቦ ምነ እት በረድ ለትቀየረ ማይ እት ኣበሊትነ ወኣግጸትነ ለኣጠሉኑ። ሕነ እብ ብርድ ከይ-ከይ ሐቐ እምብል ወሐቕ ንጣረሕ እቶም፡ ዐመሎም እንዴ ዐጅቡም ከከዕ እት ልብሎ ልትሰሐቀ ዲብኑ። ኣነ እብ ሀሮር እትቀሌ፡ እንዴ ዐሬኩሆም ምን ኣፍሩሶም እቶ ማይ ለብሩድ እግል እተራክሾም ወይኣቤቱ። ሓለት እለታት ሰበት ይዐለት እቺ ላኪን፡ እንዴ ወቀልኮ “እንቱም ጥሙሳም! እግልሚ እግል እስታዝነ ትትዓደር?” ክም እብሎም፡ ሂጋዬ ክም መዕነት እንዴ ኢሐሰብ፡ እምበል ሕሰር ገበዮም ጨርሞ ዐለው። ኣነ እብ ሐሩቀት እት ምብጣርዬ ቃሰዩት እት ኣነ፡ እምብዕዬ ምን ዕንታቺ ትትቃጠር። ዱሼን ሀገሊቶም ክም ኢሰምዐዩ እግል ልምሰል፡ ወሕነ እግለ ሀገሊት ልብ እግል ኢንክሬ እቱ፡ እት ምግብለ ውሒዝ እት ሀሌነ እንዴ ወቀለ ለለኣሲሕቀ

እነ ወዱሼን እመን ጠልፍሐት እንዴ አፊን እተ መሓዝ እት እነጽፋ፡ ለመሓዝ እት በረድ ቅዩር ዐለ። ዱሼን እስኢን አለቡ፡ እገሩ ብረቁ ገይሰ ሰበት ዐለ፡ እግለ ቅርሲሰለ በረድ ከፎ ልክህለ ክም ዐለ፣ ሐሰብ እት ሀሌኩ፡ አሰክዮም ገርብዬ ሸሐለለት ወዴ። እመን ጠልፈሐት እት እነጽፍ ለክብሪ እግል ነሐትምሙ ቅሩብ ክም ተርፊኑ፡ እት ሐንቴዬ ለዐለ በረድ ሰበት ነቅዐ፡ ክለ ገርብዬ ገጹ ተሐት እተ ማይ እት ተውቅ ጌላ። እግል ይእውዴ ምክ እግል ይእንፈር በክት ሐገልኩ። ዱሼን ምን መዐደይ ረአስ ትሩድ በረድ እት ካይድ እብ ሰዐይ እንዴ መጸ፡ እብ ክልኤ እደዬ እንዴ ሰሕብ፡ ክብ አበሌኒ። እንዴ ረፍዐ እት መዐደይ እንዴ አተክረፊኒ፡ እብ ሽፋግ ለገናዲት ባልየት ጅቡቱ እንዴ አፍገረ፡ ከመትት ወዴኒ ዲበ። እገርዬ እግል ልሕፈን፡ እብ እዳሁ እት ጣቅሕ ከጫቅም በሩደቱ ከረ ምኑ። ክልኤ እዳዬ ምስል እንዴ ጨቅመየን ምን አፋሁ ሀዋእ-ሕፋን አተናፈሰ እተን። “ሰኒ እንዴ ወዴኪ ልበሰ እብዬ ኢትትሀለገ!” እት ልብል እግለ ኖሱ ለአልበሴኒተ ጅቡቱ ለአሰናኔ እዩ ዐለ። ግረ እለ እግልዬ እንዴ ደባደበኒ፡ ሀቱ እብ ረቃቅ ፍሌገዮት፤ እተ ዓጭሞታት ለሳብር ቅርር እግለ ታርፈት ለዐለት አኬነት እመን ጠልፍሐት እንዴ አልበሰየ አቅበሌኒ። አሰክዬ እንዴ ለአቀምት፡ “አልቲናይ ለሐልፈ እዋን እት ቤቼ ለጸንሐኒ ክቦ ወዕጨይ ናይኪቱ ሚ ናይ ብዕድ?” ቤሉኒ። አንድብዬ እት

ሐቴ ፈጅረት ቅርጺያት እት

እብ ሰብ ሞት ሌኒን መደይን ጨንቦቹ፣ ወበዋቢር ምን ሐረክት በዋረ። እተ ወቅት ሕናመ ዎር ክፋል ምን ለሐዝነ ሸብብ እብ ግብአት እግል ሐቲ ደቂቀት ለጉብእ እተ ሰኒ ቅሩር ውብሩድ ወሰኒ ለኢትባነ ፈሰልኩ፣ እንዲ ገእነ ሐዘነ ሸረሕነ። ሌኒን እዳሁ ጅርሑት፣ ወበርኔጦቱ ገጸ ግረ ሽልትፍት እተ እንተ ክልነ ክም አቅመትናሁ፣ ለረሐማት ዕንታቲ አዜመ “ልትጸበረኩም ለህለ በክት እብ አማን ምን ትፍሁሙ!” ልብላነ ለዐለቦ መሰለቦ። እት መክለሲ እስታዝ ዱሼን እምብዑ እንዲ ማለሰ “አሰክ መክተብ ሕዝብነ እግል ኢጊሶቲ። ሐቆ ሰለሰ ምዕል እግል እምጸአኩምቲ” እንዲ ቤለ፡ ምን ፈሰል እንዲ ፈግረ አሰክ መዲነት ሞሰት ትበገሰ።





# ክል ጋሪት ዲብለ ሐን ተሐይስ

ዲብ መሰል “ውላድ ንእሽክ ወገብይ ላሊክ ሐር ኢበልሱከ” ልትበህል እንሰሚድ። ለንእሽ ላኪን እብ ዕን ውላድ እተያቱ ሕዱዱ? አንሳይት 18 ሰነት እንዴ ኢተምም ወልደት ምንገብእ እግለ ልትወለድ ልግበእ ወእግለ አርወሐተ ብቅትቱ። ምን አመረ ለብቅት ለኢትሳራመ እግለ ትግበእ ትቀድር። እብ ዐባዩ አርወሐት ለትነስእ ትገብእ አውመ ፍንጌ ሞት ወሐዮት ለተሐድግ። በህለት እንዴ አመስከነት ለተኣብር። አውመ ራሐት ለአለበ መንበር ለትፈርድ ዲብ ትገብእ። እለ እም ጅነ ግብኢ ለትበህለት ጅነት በዐል ብሶት ገብአት ምን ገብእ ህይ እብ ሰላመ እግል ትፍገሩ ትቀድር።

ህዳይ ምተሐት ዕምር እግለ አንሳይት ምን ብዙሕ ለአተርፈ። እብ ደሐን። ሰላም ወዓፍየት ንአንብት።

ለአንሳይት ገርቦ ዲብ ሄራር ዐቦት ዲብ እንቱ ሰነት ሰብ ለበጽሐ በዐል መቅረሐ። እብ ዕንቱ ክም እሲት ታመት እንዴ ሐስበዩ ለወድዩ ምስለ ጅመዕ። እግለ ጅነት ምተዕ እንዴ ኢገብእ ጅርቦት ለጀልብ ዲብ ቱለልቱ። ትረዕ ሽን ወፍሬ እንዴ ትጃረሐ አረይ ለትፈናተ አጽለዐት-መእርር ወመሰናድር እግል ሊደዩ ቀድር። እብ መእርር ንዛም ሽን ወፍሬ ለትመጽእ አከይ ዓፍየት ህይ ቀላል ኢትን። ጸሎህ ጅነ ለጸብዋ ዲብ ናይ ዐቦት ሄራሩ እንዴ ኢለአተምም ውላድ ክም ወዴት መሐጸ ረዩም ወክሩዕ እንዴ ገብአ እግለ ወእግል ጅናህ ፍንጌ ሞት ወሐዮት ለከሬቱ። ቀደም ምዕሉ እግል ልትወለድ። ቅንጩብ (ሰቂም) እግል ልግበእ ለሀለ እሉ በክት ፋይሕ ቱ። እሊ ልትሀደግ ለጸንሐ መሻክል ዓፍየት ምን እት ወላዳት ታማት። ዲብለ ተሐት ዕምር እት ህለዩ ለወልደ ሰኒ ለዐቤ። ለልትወለዶመ እሞም እግል ኖሰ ጅነ ምን ገብአት መራዐየት ሰበት ትገደዕ ምኖም። ሰነት እንዴ ኢለተሞ ለመይቶ አጀኒት እተ ምንተሐት ዕምር ለወልዳሆም ሰኒ ወአማን ብዙሕቱ።

አር ምን ኬልም መደራት

ህዳይ ምተሐት ዕምር ህይ። ፊሱቱላቱ። በህለት ምር ምን መሐጽ ረዩም(ክሩዕ) ለለአተልዩ መሻክል ዓፍየት ገብእ እት ህለ። ምንፍሐት ዲብ ዕንድር ሽን አውመ ዲብ ደንሮ እንዴ ትጠረቀት ክልኢቱ ለአግቡይ ዲብ ሕድ እንዴ ተሓበረ(እንዴ ተሐረመ) ሽን ከደን ወሽን ማይ እግል ትጽበዋ ለኢለቀድረ ምስክናቱ። ሽንተ እግል ትጽብጠ ሰበት ኢትቀድር ኖሰ ሰበት ትጀሌሕ። ነፍሰ ክል ዶል ጥብስትተ ወጼነ እኩይ ሰበት ወዴ ብእሰ ረይመ ሌጠ እንዴ ኢገብእ። አስክ ሰብ ኖሳመ ረይመ። እብለ ሓለት እለ ዲብ አዳም እግል ትትሓበር ኢትቀድር ወኢተሐዜ። በይን ትነሰእ ወረሐ ተኣቤ።

እት ሰነት 2009 እተ ገብአት ድራሰት። ዲብ ቀበት ሰሰ ሰነት ምን ዐለዩ ምን ፊሱቱለ እግል ልትሳረዩ ለመጽአዩ 594 አንሳይት ዐድኑ። ለ57% ምንን እት ውላድ ብክረን ለትደመዐዩ ምን ተሐት 20 ሰነት ለዕምረንተን። ዝያድ ሰር ምንን (51%) ላመ እትለ ሓለት መራር ለካረዩን ውላድ ርሕመን እግል ልሕቀፈ ኢትቀሰመት እለን-ውላድ አለበን። ውላድን ለሐግለ ወመንበር ምስል ሐዳሰ ሓለተን ትከብድ ሌጠ እንዴ ኢገብእ። ላመ እትለ ሓለት ለካሬተን። ውላድ ለአርፈዐዩን ኦብ ዕያለን ሽሪከት ብዕደት እግል ልበድል ለሐድገን። ፍገሪትለ ድራሰት ክምለ አርኤቱ 49% ምን እግል ሕክምን ፊሱቱለ ለመጽአዩ ድመዓት አብእስተን



ለሐድገወን ተን።

እሊ ዲብ እለ ትመሰል ሓለት መክረሀት ካረዩን ለአግደ ህዳይ ተሐት ዕምርመ ምንገብእ። ምን



ሕክምን ለሀለ ሪም። እት ተዕሊም ለሀሌት ግድዐት። ኢረኪብ ነወል ወዐደም ፈሀም ኸጡረት ወሊድ እት ቤት። ድብር ወኢሀለዮት ሕርየት ቀራርመ ግዴቱ ዐባይተ።

አመት ህዳይ ወውላድ እንዴ አለበን ዲብ እናስለልትቀረን ነኦይሽ ምን ምዕል ሰልፈን ለደንገእያሃተ ክሉ እናስ ለልትበህል ክም አባይ እንዴ ረኢያሁ ሐያተን ክለ እምበል ሽሪክ ሐያት ወውላድ ለልሓፋሃመ ብዝሓት ክም ተን ዲብ እሊ ጋር ድራሳት ለወደው ሰብ ምህነት ለአፍህሞ።

ለካልእ መደረት ህዳይ ተሐት ዕምር ለዲብ ዐቦት ተዕሊም አንሳይት ለትወድዩ እዴ መክረሀት ተ።እት ንእሽን ለልትሃደዩ አዋልድ ተዕሊመን



እት ምግባይት አው እንቡተት ካልኦይት ደረጃት እግል ለአትካርማሁ ልትቀሰበ ምን ሀለዩ። ለመልካህ ምህነት እንዴ አለበን ዲብ ርፍዐት ዕያል እንዴ



እናስ ለአቱት አንሳይት እግል መስኡልየት ዕያል እብ አፍካረ ዱሊት ወለለትናብረ መዕሉማት ክልልት ኢሀሌት። ከእብሊ ለዕያል ክምለ ለአስትህል ዲብ ሰይጠረተ መእዳረተ እግል ተኣቱ ልትደቀብ እተ። ገሌመ ሐለት መትሐማሉ እንዴ ኢረክበዩ እግል ልህረበ ምኑ ለሐርዩ። ክእነ እንዴ

ዐባዩ ዐድ። ማርሐት ዳያናት። እት ተስጂል ሽሃደት ውላደት። ህዳይ . . . ለከድሞ ጅሃት። እዳረት ሽዑብ። ለዐቅድ ህዳይ ወዱ ማርሐት ደያናት። መሓብር ገቢል ክም ናይ አንሳት ወሽባብ። ደሐን ወዐቦት አንሳት እግል ትትአከድ ለከድሞ ጅሃት ክም ውዛረት ተዕሊም። ዓፍየት . . . ሕድ እንዴ ሰደው እሊ ህዳይ ተሐት ዕምር እግል ድግም ሌጠ እግል ልትረፍ ምስል እግል ልክደሞ ዋጅብቱ። እግልሚ አዋልድ ዲብ ለአመስክን። እቅትሳድ ዲብ ለሀንእ። ዐቦት ወጠን ሐር ዲብ ለአተርፍ ልትረኤ ህለ። እምበል መደረቱ መንፈዐቱ ኢትረኤት።

## ህዳይ ተሐት ዕምር ቂትላይ እም ወውላድ ክምቱ ለለርኤ ሐቃይቅ

- \* ለሕሩይ ዕምር እግል ውላድ ምንለዐል 20 ሰነት ወምንተሐት 35 ሰነትቱ።
- \* ዲብ ኤረትርዩ 69% ምን ምህርህን ለለአትካርመ ደረሰ እብ ሰብ ህዳይ ሻፍግ(ተሐትዕምር) ቱ።
- \* ዲብ ዐለም ክል ሰነት 1.5 ሚልዮን 15 ሰነት ለይአዶረዩ አዋልድ ልትሃደዩ።
- \* ሞት እማት ዲብለ 19 ሰነት ለዩዶረዩ ምስለ አዶረዩ ዶል ትቃረን እብ ዕጹፍ ትዘይድ ዲብ ሀሌት ምስለ 15 ለይአዶረዩ ምን ትቃረን ህይ እብ ሐምስ ዕጹፍ ተዐቤ።
- \* ክል ሰነት እትለ ዐለም 70 አልፍ ምንተሐት 19 ሰነት ለዕምረን አንሳት ዲብ ወልደ መይተ።
- \* ምን ወለት 18 ሰነት ወተሐት ዕምረ እም ለልትወለድ ጅኑ ምን ሰነት አዳም ለበጽሐዩ እማት ለልትወለድ ዶል ልትቃረን። ውላደን ሰነት እንዴ ኢለደውር እግል ሊመት ለሀለ እሉ በክት እብ 60% ለዐቤ።



4<sup>ኛ</sup> ክፋል

# “ወለት ሐምስ ሰነት አነ!”

እምነ ዜነብ ያሲን


“ወለት ሐምስ ሰነት አነ” እብል አርእስ መሐመድሰዒድ ሰላማን እት ክታብ ተጃርብ ንዓል ወእብ ፍንቱይ ተጃርብ ንዓል አንሳት ኤረትሮፖ ለከትብዩ ቅስት እግል ዮም 4<sup>ኛ</sup> ወናይ ደንገበ ክፈለ እግል ንርኡ ቱ፡



ሽዑብ ትጀመሪ፡ ለቀድሞት እብል አንፋር ጀማሂር ወመጅልስ ዲብ ሽዑብ ትቀደመት፡ እት መደት ለሀ ለበዜሕ አዳም እግል በርናመጅል ትቃወሙ ዐለ፡ ሐዳም ለለአዩዱ እግል ለአፍህም ዶል ወጥኖ፡ እግል አፍካሮም ለፈንጥር ረኣይ እት ቀንጽ ሕድ አጅገረው፡ እት ቀበትለ ሕፍን መክሐደ እምዬ ዜነብ ቀንጽት፡ ለሽዑብ ምነ ህግያሁ እንዴ አዝመ እለ ንንሐ፡

“ ሰላም ወዐሌኩም! እንሻለህ መላኢኩት ትሕደረኒ፡ እብ ቀድሞት ተካሊፍ ህዳይ ብዙሕ ተሃጊኑ፡ አነ ላኪን አሮ ሰኣል እግል እሰኣለኩም ሐዜ ሀሌኩ፡ ሕነ ነሐይስ መ አደም ወሐወ” ትሰኣለት፡ ለሽዑብ እብ ሰኣለ ዲብ ልትፈከር ተሐራገመ፡ “ሰኣልዬ ዋዴሐቱ፡ እሎም ዮም እብ ቀዋኒን ህዳይ ነሀድግ ለሀሌነ አንፋር ነሐይስ መ አደም ወሐወ? አፎ ኢትበልሶ እጅ?” እብ ድግማን ትሰኣለት ራይገት ዲብ እንተ፡

እግል ገሌ ደቃይቅ ጉም-ጉም ክም ቤለው፡ ምንለ ዐባዩ ወሰብ ገጽ ገሌ አንፋር እንዴ ቀንጸው፡ “አደም ወሐወ ገድም ክልነ ምኖም ትከለቅነ ኢኮን፡ ላዝም ህቶም ለሐይሶ፡” በልሰው ዲብ፡



“ከህቶም ሐይሶ ሐቆ ገብአው፡ ህቶም እብ ልባስ ወሰርኝ ኢተሃደው፡ ፌርመትመ ኢወደው፡ እብ ልቦምቱ ለተሃደው፡ እብ አማን ወአማነት ተሓበረው(ታለው)፡ ምን ትባረከው ሀዬ እነ ፈረው፡ ሰበት



እለ ህዳይ እብ ማል ኢልተመን፡ ደሀብ ወማል ዳይም ኢኮን፡ ለምን ኩሉ ተሀምም ህዳይ እንዴ ወዴክ አጅያልክ አተላለዮት ቱ፡ እለ እንቱም ትቡሉ ሀሌኩም ዲብ አዩ ክታብ ሀለ? እብል ኖሰነ ከለቅናሁ ንትሳደድ ሀሌ፡ ዲብ አክትበት መቀደስ ወሽሬዕ ናይ ዲን ርኢሁ አነ ለልብል ምን ለሀሌ ልብለስ እጅ” ሰኣል ጽኖዕ ወጸገት ሕጥት እለ ቀደመት፡

ለበልስ ኢትረከበ፡ ወለት ዐድ-ሼክ ሰበት ገብአት ቁርኣን ወሽሬዕት ሰኢ ክም ተአምር ለሽዑብ ዳሊቱ፡ ብዝሓም አንፋር፡ “እለ ወለት ያሲን ትብሉ ለሀሌት አማንቱ፡ ሕነ ምነ ሽሬዕ ፋግራም ሀሌን” እት ልብሎ አየደው፡ ማርሐት ናይለ እጅትመዕ ሀዬ እግል መገት እምዬ ዜነብ ሰኢ አብሸለው፡ እት ደንገበ ለልትቃወም ዐለው እንዴ ትፈለለው ለይማም ትሳደቀ፡

ልባብ ወደቅብ እምዬ ዜነብ ሰኢ ወአማን ለለአምር ገዳም ሙናድል ሓምድ ሐሰበለ፡ እግል እምዬ ዜነብ ዲብ ክምእነ መስል ለትፈናተ መናሰባት አሻረከዩ፡ ሐቆ መትደውሻሽ ናደው ዲብ ሀበሮ ለገብእ እጅትመዕመ ፈድል ብስር እምዬ ዜነብ ተዐወተ፡


ዲብ ሀብሮ መድረሰት ክም ትፈተሐት፡ አዋልድነ ኢነአደርስ ለልብሎ በዝሐው፡አንፋር ጀማሂር እግል ለአፍህምም ምን ወጠነው ዕልብ አንሳት ደረሰ ሰኢ ሐደ፡ ሓምድ ሐሰበለ ዲብለ አግደ እጅትመዕ እግል እምዬ ዜነብ አሻረከ፡ ሽዑብ ሀበሮ እግል እምዬ ዜነብ ግሩም ለአምረ፡ ወለት ዐድሼክ ምን ገብአት እብ እሕትራም ልርእዩ ዐለ፡

“ወለት አንስ ኢትትዐለም ለልብል ዲብ አዩ ክታብ ሀለ? የአምር ጽልመት አምዕል ለትብል መስል መፅነተ ምን ነትዳውር ለሐይሶ፡ ወለት ምን ትትዐለም

ፊፍዓይትነ ወመሐሸማይትነ እግል ትግበእ ቱ፡ እት ሐቆ ውላድነ ኢነአጅሕፍ” እንዴ ትቤ ሽዕር እንዴ ተትዐሬ ተሃጊት፡

ሓምድ ሐሰበለ ለደግመዩ እዩ ክም ሰምዐኩ እብ ሐዲስ እግል ሕሰብ አንበትኩ፡ “እምዬ ዜነብ ዲብ ኩሉ መናሰባት ትትዐወት ዐለት፡ ደቅብ ዲብ ሚቱ? ዲብ ሽዕር፡ ዲብ ወዐዝ? ወለ ዲብ ልባብ? እግልሚቱ እትለ ገብእ እጅትመዕ ሽዑብ ለልትከበት?” ነፍሼ ትሰኣልኩ፡ እግል ሓምድመ ትሰኣልክው፡

“እምዬ ዜነብ ዲብ ኩሉ መጃላት ትርድት ቱ፡ ጽዋረ ከሊማት ቱ፡ ዐገለ ሀዬ ዓዳት ቱ፡ ህተ፡ እለ ኩሉ ዲብ ትጸገም ምን ዓዳት ወደያነተ ሸንኪ ኢትቤ፡ ናይ ዓዳት ትለብስ ወትሰርጌ፡ ሰርዐት ዓዳት ወነባሪ ገበለ ለተሐሸም ፈናኒት ወሸካይት ዐለት፡ ሽዑብ ሀዬ፡ ክም ወለት ሼክ ወፈናኒት ትከበተዩ፡ ህቱቱ ምስጢር ዐውቴህ ወዚነተ” ቤሌጌ፡ ምነ ህግያሁ ሀዬ፡ እምዬ ዜነብ ዲብ አፍዝዮት ገበለ ዶር ማርሐት ክም አግዴት አክል ሕድ ትየቀንኩ፡



“ዐቢ እለ! ጽዋረ ሂጋሃቱ”፡ እቤ፡ ሰኣልዬ በለስ ለረክበ እንዴ መሰለ እጅ ጋኔዕ ዲብ አነ፡

ክርን እምዬ ዜነብ እግል እስመዕ እግል ሽሪጥ ወለዕኩ፡ እምዬ ዜነብ እት ገጽቶ ታወሰት፡ “አነ ውላድጄ ወወጠንቶቱ እፈቱ ለዐልኩ፡ ብዕድ ከበሩ እነስእ የዐልኩ፡ ምን አባይ ወለዐል ለአብዮም ጤልመት


ወጀዋሲስ ቶም” ሐቆለ ትቤ፡ ምን ቀር ኩብደ ሐሌት፡

**መንዴረትነ!**  
**መንዴረትነ ሉል ወጀውህር**  
**ሸልቱት ኢኮን ወአክይጥ**  
**አውኪር ውላድ ሸዕብዮት**  
**አፍገረው እብ መራር**

**መንዴረት፡ መንዴረት**  
**ኤረትሮፖ**  
**ሕኩመተ ጀብህት ሸዕብዮ**  
**እብ ደም ፈግረት ኩሉ**  
**እት ልርእዩ፡**

**ታሪክ ብክ ወዐመል ጎይለ**  
**ኢኮን ወሕላይ**  
**ምንተሐት ሳሕል ጠለቀው**  
**መርስ ግልቡብ ወተክላይ**  
**ምንለዐል አውለት**  
**ጠለቀው አፍዐቦታት ወሕዳይ**  
**ከረን ሐቱ ኬደወ**  
**ደቀምሐሬ ወትግራይ**  
**ሸባብ አቱት አስመረ**  
**ሰኣነት ምኖም መስኣላይ**  
**መረብ ትከለእ መንግሥቱ**  
**ሰምዶ መውዲ ወብካይ**

እምዬ ዜነብ እብ ህግያህ ወአርወሐተ ናደለት፡ ወለተ ግሸ ፍዝ ወጠን ገብአት፡ ሐቆ ሕርየት ዲብለ 13 ሰነት ለአኖኬተ ቤተ ወዐደ አፍዐበት አቅበለት፡ አይው፡ ለትትሰፍለለ ዐለት ቤተ፡ ወቀገት ለእት አፈተ ባቅለት እንዴ ኢትወድቅ ወኢትዮብስ ጸንሐተ፡ ምስል ወላደ ወውላድ ውላደ



እምነ ዜነብ ያሲን

ወፈተቸ ሀዬ አምሐበረት እተ ወትሃጀኩት፡

ዐጃይብ ቱ፡ እተ ለዘት ሕርየትመ እምነ ዜነብ፡ 13 ሰነት ወአሸሁር ተ ለከልአት፡ ሐቆህ እብ ሐበኩ፡ ፋሽ፡ ምርወተ ወኤማነ አስክ ዳር አማክ! ላኪን ለሐድገቱ ታሪክ ዲመ እት አልባብነ ለነብር ወውርስ አጅያል ሓር ቱ፡

ዕለት 25 የናይር 2005 መቅበረት ሹህደ አፍዐበት እብ ሽዑብ ፍልክ ትቤ፡ ሓይስ ርኢስ ኢሲያስ አፈወርቂ ለልትረከብ እቶም ለዓልያም ሰብ ሰልጠት ሕኩመት ወጀብህት ዲብለ ዓደት ሐድረው፡ ለቁብረት ዲብ ሐቱ ኢነት ሐዘን ወሐበን ለብሰዮም፡ ናይለ ክቡድ ሰርሐ ምሔርባይት እምነ ዜነብ ያሲን!

ዴማት ሐብሬ

1. ሓምድ ሐሰበለ
2. ሐሰን ዑመር
3. ሓወ ሓምድ
4. ለተኪዳን ከሕሳይ
5. ለዩ ገብረኣብ
6. ስተል እሰማኒል
7. ስተል አሕመድ
8. መርየም አሕመድ
9. ስተል ሳሌሕ ጅምዕ
10. እብ ክርን እምዬ ዜነብ ለትሰጀለ ሽራይጥ ሸኡን ዓዳት ውዛረት ተዕሊም







## ዱሪ ደዋሪት ተ

መደት ሐቲ ዎሮት እናስ እት ሱግ ንዋዩ እንዴ አዝበ አስክ ዐዱ እት ለአቀብል ዎሮት ሸፍታይ እንዴ ጸንሐዩ፡ “ክሉ ለግሩሽክ ተሀይበኒ ሚ እቅተለክ እት ልብል” እብ መንዱቅ አትፋርሀዩ። ለእናስ አርወሐቱ ሰበት ዐቤት እቱ ክሉ ለግሩሽ ሀበዩ። አስክ ዐዱ ልትበገስ እት ህለ እግለ አካን ለዲበ ትዘመተ እብ እበን አሻይር እንዴ ወደ ዲበ ትበገሰ። ምናተ፡ ምን መታብዐት ኢትገሰ። አምዕል ሐቲ ለሸፍታይ እት ቀበት አዳም ግሱይ እት እንቱ ሰበት ፈረገዩ እት ቃዲ ሸከዩ። ለቃዲ እግለ ሸፍታይ ክምሰል ትሰአለዩ ዛምት ይአነ እት ልብል ነክረ። ለእናስ ህይ ሻሁድ እግል ለአምጽእ ኢቀድረ። ምናተ፡

ለአካንት እብ እበን አሻረት ክምሰል ወደ ዲበ አስአለዩ። ለቃዲ ገድም በሰር ባሰረ።

እግል ወልዱ ወእግለ እናስ ለትሰረቅቶ ቤለ እብ በይኖም እንዴ ነቅመዮም ክእነ ቤለዮም።

“አዜ አስክለ አካንት ለዲበ ትሰረቅቶ ትብል ህሌክ እግል ትትበገስ ቱ። ለሸክወት ቅድምት ዲቡ ህሌት እናስ እሰልፍ፡ ለእናስ ለሰሩቅ አሰሩ፡ ወድ-መልክ ህይ እት ደንገበ እት ትገይሶ ትበገሶ ወሚ ክምሰል ጀረ አሰአሉኒ።” ቤለዮም።

ለሰለሰ ነፈር ክምሰለ እለ ትበሀለው ትበገሰው። እንዴ ገይሶ

ዐለው ለአካን ለእናስ ትሰረቀ እተ ምንመ በጽሐው እንዴ ኢበጥሮ ሄረረው። ዲበ አሻይር ናይለ እበን ክምሰል በጽሐው ለሰራቅ እገሩ ዲብ ልሰሐብ አንበተ። ወድለ ቃዲ እግለ ሰራቅ፡ “አከርከኑ፡ አገድ ሄርር፡ እት ልብል አፍዐዘ ዲቡ። ለሰራቅ ሰኒ ትዕብ ሰበት ዐለ ለአካን እግል ልሕለፈ ኢቀድረ። እንዴ ለሐመጣምጥ “ለአሻይር ናይለ እበን እሊ ቱ ማሚ እግልሚ ነሐልፍ ህሌኑ፡ ግምሽ ኢተአትዕቡኅ” እት ልብል ኖሱ ትፈድሐ። ለእናስ ለሰሩቅ ህይ እብ ፈርሐት በረቴዕ ገብኢ። ወድለ ቃዲ ለቴለል እግል አቡሁ ክምሰል ደግመዩ ለሰራቅ ቅራመት ተሐክመት ዲቡ ወለእናስ ለሰሩቅ ሐቁ ረከበ።

## እለን ሰለሰ!

ለሰለ ሰንዐት ሐቆ ገርቦ ዲብ ሐያትክ ኢትረክበን፤

- \* ምን አፋክ ለፈግረ ከሊማት
- \* ሐቲ ዶል ለረክብካሁ በክት
- \* ለሐልፌክ ወቅት

ለሰለ ሰንዐት ዲብ ሐያት ተአኪደት አለበን፤

- \* ሕልም
- \* ዐውቲ (ትትዐውት ሚ ትትፈለል)
- \* በክት

ለሰለ ሰንዐት ዲብ ሐያትክ ቂመት ለቡ አዳም ወድያክ፤

- \* ዕጡም ወኬድማይ ግብአት
- \* ረታዕት
- \* ሰርገል

ለሰለ ሰንዐት ዲብ ሐያት ሰኒ ቃልያት ተን፤

- \* ፍቲ
- \* ሕሽመት
- \* ምስንዮት

ለሰለ ሰንዐት ዲብ ሐያት እግል ልብደዩ አለበን፤

- \* ሰላም
- \* ሰእየት
- \* አማካት

እግል አዳም ለደምረ ሰለሰ ሰንዐት፤

- \* መግሀፍ
- \* ክብር
- \* አክር

ሰበት እሊ ዲብ ሐያትን ለእነሱ ምስዳራት እግል ንትሓፈዝ ዲቡ ወጅብ።

## እት ዐመል ነአውዕለን

- \* አፍካርክ ራቴዕ ውደዩ፤ ሰበቡ ህይ አፍካርክ ከሊማትክ እግል ልግበእ ሰበት ቀድር።
- \* ከሊማትክ ትደገግ እቱ፤ ሰበቡ ህይ፤ ከሊማትክ ጠቢዐትክ እግል ልግበእ ሰበት ቀድር።
- \* ጠቢዐትክ አንተብህ እተ፤ ሰበቡ ህይ፤ ጠቢዐትክ ለመድክ እግል ትገብእ ትቀድር
- \* ለመድክ ትደገግ እቱ፤ ሰበቡ ህይ፤ ለመድክ ቅዩም ናይክ እግል ልግበእ ቀድር።
- \* ቅዩምክ ተሓፈዝ ዲቡ። ሰበቡ ህይ፤ ቅዩምክ ዝሕረትክ እግል ልግበእ ሰበት ቀድር።

## አጥዐሚቶ

አምዕል ሐቲ ዎሮት እናስ እግል ጅኔታዩ ንኡሽ እት ለአተል። “ስምዐኒ ሐቢቢ።”  
ጅነ - አሀ  
አብ - እግልዬ ትፈቱ ሚ እግል እምክ?  
ጅነ - ክልኢትኩም እፈቱ፤  
አብ - ዎሮትኅ በል፤  
ጅነ - እትለ ዎሮት አለቡ። እንቱም ክል-ዶል ክልኢት እንቱም ወእግል ክልኢትኩም እፈቱ። ዎሮትኩም እግል እፍቱ፤ እትለ ቤት ዎሮትኩም እግል ልንበር ህለ እግሉ።

## መራዐዮት ዓፍዮት አንድብ አግሩዝ ወአጀኒት

2. **ዋላምት/አሽበቦት ንሳል፤**  
(Tongue thrusting and piencing)

እሊ ንሳል እብ ፍንጌ አንድብ ለዐል ወአንድብ ተሐት እንዴ አሽበብክ ደረኮት አው ጥባይ ቱ። እሊ እት ወቅት ውሕጠት ንሳል ምስል ናይ ቀደም አንድብ ለወድዩ መትራካብ ለሸፊክ ቱ። እሊ ነብረ እንውሕጥ እት ህሌን ለእንወድዩ ሐረከት ዓድዮት ተ። ክምሰለ ቀደም እለ ለትሸርሐ ግንፍሌ አው አጫቤዕ ብዕድ ጥብዮት ለለዓል

አንድብ ቀደም እንዴ ደረከ ምስለ ተሓት ክምሰል ኢልትራኩብ ሰበት ወዴ እት ፍንጌ አካፍት ፍቶሕ (open bit) ለህሌ። ንሳል ህይ አካንት ፍትሕት ሰበት ረክብ ቀደም ሸብብ። እት ክእነ ቴለል ንሳል ዲብ ነጋድ ወአንድብ መደረት ለአጀሬ። ሰበት እሊ ዓዲ ለኢገብእ ሐረከት ንሳል እግል መሰል፤ ገጽ ቀደም ሸበት ዲብ ምሽክለት ከሬ።

**እግል ዋላምት ንሳል ለልኢትዮይት፤**

• ዓዲ ለኢገብእ አጥብዮት ረዳዐት፤

• እግል ወቅት ረዩም ግንፍሌ ጥብዮት፤

• አረር/ረክስ ዳይም ናይ ልወዝ አው ናይ ለዓል ዐንድር አተንፈሶት፤

**መደረት ዋላምት ንሳል**

• ዲብ ፍንጌ ናይ ቀደም አንድብ ፈረገት ትትከለቅ፤

• አንድብ ለዐል ልትቀደም(አራግ ገብእ)፤

• ምሽክለት ህግዩ ትሳድፍ።

**እሊ ለመድ እሊ እግል አትካረምት ለሰዴ አግቡይ፤**

• ኦርቶዶንቲስት ለልትበህል ቂድራይ መጃል አንድብ፤ ገሌ ሐረካት ንሳል እንዴ ለአደርስ ሰዳይት እግል ልውዴ ቀድር፤

• ዋልዴን ለጅነ እንዴ ኢልኢትፋርህዉ እብ ቅሩቶም በሰር እንዴ ትንፍዐው ለለመድ እግል ለኢትሐዱገቱ ቀድር፤

• እለ ምሽክለት እለ ለበዝሐ ወቅት ዲብ እብ ረዳዐት



ለጠቡ አጀኒት ሰበት ትትርኡ፤ ጥብ እም አጥብዮት ለሐሰ ክምሰል ቱ ልትአመር።

**ፈ ሪ ቅ / ጠ ሪ ቅ ንሳል(Tongue piecing)**

ፍርቀት ንሳል እብ ፍንቱይ እትሊ ወቅት እሊ ዲብ አጀኒት ልትርኡ ህሌ። አጀኒት ፈሪቅ ንሳል ሚ ምሽክለት ክምሰል ለአመጽእ እንዴ ኢልአምሮ ክምሰል ትልህዩ እንዴ ነስአው ወድዉ።

**እግል ልምጸእ ለቀድር አዜ፤**

- መትቀጣም አንድብ
- ሕባጥ ንሳል
- መትሰማም ደም
- ነዘፍ ንሳል
- ሕባጥ
- አዘ ዕሰር
- አረር/ረክስ
- ብዝሐ ምራቅ

ሰበት እሊ፤ ፈሪቅ ንሳል ልግበእ ውብዕድ ዲብ አፍ ለገብእ ፋረቅት ብቅት ሰበት ለአመጽእ እብ ሕክምነ ምኖሶ ቱ።







መሐመድ ዳፍለ

## መትረከብ ቅዱም መሻቀዶታት እበን እት አግዳም በሐር ቀየሕ ኤረትርየ

ዕሉም ቅዱም አሳር ወናይ አሰል (ጄኔቲክ) ክምሰለ ለአፍሁሙ አፍሪቀ ቅርድ አዳም በዲር ወክዜ ለህለ ታርፊሁ Homo sapiens ክምተ ልትአመር።

እሊ ሰበት ገብኦ፡ እት ለትፈናተ አውካድ እት ለትፈናታ ክፋላት እለ ቃረት ለልትረከብ አሳር ቅዱም እግል እለ አማን እለ ለልክድ ቱ። ምስል መትኻሻር ቅዱም ጅንሰ አዳም ወእሊ ዮም ለህለ ታርፊሁ ለልትጸበጥ አሕዳስ ለሰጃላማቱ። እብ አሳስ እሊ ፈሀም እሊ ህዬ፡ ምግባይ ዘበን እበን (Middle Stone Age) ምስል አስሐበቦት እሊ ዮም ለህለ ታርፊ ወድ አዳም ለልትጸበጥ እት ገብኦ፡ እግል ዘበን ለህይ ለልክድህም ናይ ለመድ ወናይ ሐያት አሳር ህዬ ምህመቱ ዐባይ ወድዮ። እሊ ክፈል ታሪክ ወድ አዳም ምን ቀደም 200,000 አስክ 10,000 ለዐለ አሕዳስ ለጸብግ ገብኦ። እትሊ ክፈል ታሪክ እሊ፡ ወድ አዳም ናይ እሊ ለህለ ሐዲስ ግም አሰል ወአብዕቦታት (Homo sapiens) ምን አፍሪቀ እንዴ ተክከረ እት ብዕድ ምድር ለአስሐበ ጅንሰ አዳም ክም ቱ እንዴ ትወሰቀ ክሩይ ለህላቱ። ባሕሲን ዕሉም አሳር እግል እሉም አሕዳስ እሉም እብ አሳስሰለ እት አፍሪቀ፡አሰየ ወአርበ ለልትረከብ አሳር እግል ልፍሆሙ ቃድራም ህለው።

ቅርድ ናይሊ ሰልፍ ለመጸ ጅንሰ ወክዜ ታርፊሁ ሓድግ ለህለ ጅንሰ አዳም፡ እት አፍሪቀ ወግራሁ ለመጸ አስሐበቦቱ እት ብዕድ ድዋራት እድንዩ ለአግደ ሰበቡ እት ወክድ ለህይ ለሳደፈት ምሽክለት ሓለት ጀው ለልትጸበጥ እት ገብኦ፡ ምን ቀደም 200,000 ሰነት አስክ 10,000 ሰነት እብ ትሉሉይ ለትረክ እት ገብኦ፡ (Glacial and interglacial periods) እሊ እግል ልትፈሀም እግል እሊ ሐዳስ እሊ እብ ሱራት ዐባይ ናይሊ እብ ትሉሉይ ምን ቀደም 130,000 አስክ 100,000 ሰናታት ክምሰልሁም ምን በዲር ቀደም 600,000 ሰነት ለትረክ ዐባይ ናይ መትፈንግር ጀርቤታት እግል ልትገንሐ ወጅቦም።

እብ አሳስ በሐር ቀየሕ ናይ አፍሪቀ ወምእታይ ዐረብ እት ምግባይ ዘበን እበን ለትረክ አስሐበቦት እት መዐደይ ሕዱድ ወህቱ ለክልቀዩ ዕላቀት ዓዳት ወለመድ እት ጌማም እንዴ አተ ለገብኦ ብሐሳት ቱ። እብ አሳስ እሊ ህዬ ግረለ እት ሰነት 2000 እት ደዋይሕ ዓብዱር እት አቅሊም ቅብለት በሐር ቀየሕ ለገብኦ ታያኖት አሳር፡ ክምሰልሁም ለትፈናተ ታዊር እት ድዋራት ዙላ ወመጽብብ ቡሬማ ጋብኦ ለዐላማቱ።

እተ ሐድ ኪሎ ሜተራት ምን ዓብዱር ራይም ለህለ ድዋራት፡ ዐስፈት፡ ገልዐሎ ወምፍጋር ሚሴን እብ ብሐሳት አሳር ቅዱም ለትረከበ አሳር እግል እሉም እንዴ አስለፍን ለሰሚናሆም መፋሂም ለበልሶ ቶም።

እት ሰነት 2000 እት ናይ ዕሉም ሐያት ላተ መጀላለት ኔቸር (Nature) ለትጠበዐ ክቱብ ክምሰለ ለአክዱ፡ ቅዱም እሰባታት ለሳልፋያም አርዛቅ በሐር እግል ልታይኖ ለቀድረው፡ እሊ ክዜ ለህለ ታርፊ ወድ አዳም ለሐድገ አዳም (Homo sapiens) እት አግዳም በሐር ኤረትርየ ክም ዐለ ለልሐብር ሰበት ገብኦ፡ እሊ እግል ኖሱ እሰባት ገብኦ። ለትረከበ ቅዱም መሻቀዶታት እበን ፡አሳር ሐያት ወኮራል እት አካን አሳር ቅዱም ዓብዱር ለህሌት ሐብሬ አሳር ቅዱም ህዬ፡ ምህመት አግዳም በሐር ቀየሕ እት ብሐሳት አሳር ቅዱም፡ ክምሰልሁም እት ብሐሳት እት መትከላቅ ወአስሐባብ (evolution and migration) ለሳልፋይ ዘርእ ናይ እሊ ታርፊ ወድ አዳም እሊ ሰበት ገብኦ፡ ምህመት ክም ቡ እኩድ ቱ።

ሄንሪ ኤርኔስት ጊ ለትበህለ መትመራምራይ ወድ እንግሊዝ ወመርትዓይ መጀለት ኔቸር፡ እት ዕልብ 405 ለመጀለት እግል እብ



## ሕላይ ሰብ በዲር

እት ሰነት 1913 ለትጠበዐ ክታብ ሐይለት ትግራይት እለ ዕልብ 145 ለህሌት ሕላየት፡ እሽሐቅ ወድ አብሰላብ ከንቱባይ ተሰፋሚካኤል ምን ትሸየመ ለሐለየ ሕላየት፡

መጽአተኩም ኢኮኒ ለሸረ ብዞሕ ወነሆባ  
ሀብረም ተ እግል ትትሐ'ገር ወሰብር ተ እግል ትሸዖለ  
ክም ወአት ዕፍዮ ተ አሰር ዲበ ለህንብባ  
ክም ላሊ ግናዘት ተ ሰኒ ወአማን ዕቀብ  
መሕበር ኦር ሓይዘታ ቱ ወመሕበር ልብል ኢትሆባ  
ራክብ ላቱ ተአትሐግል ወሳየሮትለ ገሮባ  
እትነ ሐሰት ምን ተፈሩህ ዳሊ ላቱ ትሰአሎባ።

ሮበርት ዋልተር ወመልህያም እት ዓብዱር ለትረከበ አሳር፡ ግረ መትከላቅ እሊ ቀደም ክዜ ለህለ ታርፊ ወድ አዳም ሓድግ ለህለ እብ(Homo sapiens) ለልትአመር፡ እግል ሰልፍ ወክድ ለትረክ ፈሀም መትኻፍያት ርዝቅ በሐር፡ እግል ሰልፍ ወክድ እንዴ ቤለዩ ሸርሐ ህለ።

እትሊ ክቱብ እሊ እት ዮም 4 ማዮ ናይ ሰነት 2000 እት መጀለት ዕሉም ሐያት ለትኩብት ሐብሬ፡ አሳስ እንዴ ገብኦት ምህመት ወእሰባታት አግዳም በሐር ቀየሕ ለሸርሕ ክቱብ ቃርብ ህለ።

ምስል አሳር ሐያት ኮራል እንዴ ሓበርኩ እት አግዳም በሐር ቀየሕ ኤረትርየ እብ ሮበርት


ዋልተር ወመልህያሙ ለትረከበ መሻቀዶታት እበን ቅዱም፡ ቀደም 125,000 ሰነት እት አግዳም በሐር ቀየሕ ለትረክ ወክድ ለነሰኦ መትብዳዳል ሓለት ጀው ወተቅዩር ድዋር እት ጠቢዐታይ ወናይ ለመድ ተቅዩራት ቅዱም ወድ አዳም (Homo sapiens) ለመርበው ቶም። ብዞሕመ ዕሉም አሳር ሐያት ናይ ቅዱም ወድ አዳም(Homo sapiens) እሊ ክዜ ታርፊሁ ሓድግ ለህለ አዳም፡ እት አግዳም በሐር ቀየሕ አስክ እለ ምንመ ኢትረከቡ፡ ለገብኦ ዐለ ቴለል ህዬ እብሊ አሳር ቅዱም መሻቀዶታት እበን ወለ ህለ አሳር ኮራል እንዴ አትጸበጥናም ምስል እግል ንፈሀምም እንቀድር።

ለእተ ወክድ ለህይ ለትረክ ተቅዩራት ድዋር ወጀው፡ እግል ናይ ጠቢዐት ወለመድ መሻቀዶታት ቅዱም ወጅንሰ ወድ አዳም (Homo sapiens) ለመርቡ ሰበት ገብኦው ህዬ፡ ለቅዱም ጅንሰ እግል እሊ ዮም ለህለ አዳም (Homo sapiens) ዝሕረት በሐር እግል ልፈትሻ በሰር ክም ጠወረ ለልሐብር ቱ።

ምስል መትከልለቅ ወመትኻሻር ቅዱም ጅንሰ አዳም (Homo sapiens) ለልትጸበጥ ናይ ሰልፍ አሳር ሐያት (fossils) ምን ድዋራት ምፍጋር ጸሓይ አፍሪቀ ለመጸ እት ገብኦ፡ አስክ እለ እት መጃል ቅዱም አሳር ለህለ መፍሁ ናይ ሰልፍ እሰባት እት ሐድ 130,000 ሰነት ለገብኦ ክምቱ ልትአመር።

እሊ ቴለል እሊ ምስለ እት ቃረት አፍሪቀ እብ ርሐቡ ለትርኤት ሓለት ጀሐር ለልትጸበት እት ገብኦ፡ እት ቃረት አርበ ህዬ ሕድ እበ ሽብህ ምስለ እት ዘበን (Ice-Age) እንዴ ትበህለ ለልትአመር ለልትጸበጥ ቱ።

ልተላሌ...





# ሸባብ

ሕዱግ ሰሌማን



## ኢብካት ተዐሊም ውቁል ግሪ መድሐራት እግል ሸባብ ወሻባት ሚ መስል

ወሬሕ ሰብተምበር እቱ ዝያድ 100 ደረሳይ በክት ምንሐት እንዴ ተሀየቡም፡ እት ለትፈናተየ ጃምዓት እንዴ ጌሰው ድራሱቶም እግል ለአተላላፊ በክት ሀየቡም ሀላ። ለገሌሆም ክሉ መጣልቦም ለልክተምም ምናሕ እቡ ገይሶ ለሀለው እት ገብኦ፡ ሌሆም ሀዬ ሰር መጣልብለ ምናሕ ለተምም እግሉም ቶም በሀለት ገሌታይ እንዴ ወሰከው ለደርሶ ቶም።

ሕክሙት ኤሪትሮፕ ሸባብ ወሻባት ናይ ግሪ መድሐራት ድራሱት እግል ልርከቦ እብ ቀልብ ናስሕ ትካድም እቱ ሀሊት። እግል መስል፡ እብ ገሌ ጃምዓት ለልትሀየብ በክት እግል ደረሳይ ለክፍዩ ኢገብኦ ምንገብኦ፡ ሕክሙት ለተርፉ ማል ኖስ ክም ሰድዩ ትወዴ። እብላ ገበይ እለ ሀዬ፡ ማል ብዙሕ ተኣፈግር። እለ ሀዬ እግል ብዝሓም ደረሰ ወእብ ሰላዲ ካርጅ ለልደፊዕ ሰበት ገብኦ፡ ለደረብ ለእት ሕክሙት

መክሰሳት ተዐሊም ውቁል ኤሪትሮፕ ምስል ብዝሓት ጃምዓት ወመክሰሳት ተዐሊም ውቁል ዕላቃት ዋድዮት ሀሊት። ገሌ ምኑ ጃምዓት ጆሞ ኬንያታ፡ ጃምዓት ሐርስ ወሐብሬ ናይ ፊንላንድ፡ ጃምዓት ህንድ ክም ጃምዓት ኒው ደልሄ፡ እምበል እሊመ ምስል ጃምዓት ብሪጣንያ፡ ኢጣልያ ወ ኢሜሪካ ዕላቃት ወመፋህመት ገብኦ ሀላ። አስክ እለ ዐድነ ምስል 30 ለገብኦ መክሰሳት ተዐሊም ውቁል ናይ ካርጅ ዕላቃት ዋድያም ሀሊኦ። ምናተ ክለን መክሰሳት ክምስለ ልትሐዜ እት ወራት ሀለየ በሀለትነ ኢኮን ቤላ። እምበል እሊመ ሐዲስ መፋህማት ምስል ጃምዓት ቻይና ወራሲያም ገብኦ ሀላ። ሰበት እለ፡ መጃል ሽራክት ወድራሰት ክል-ዶል ለልትቀየር ወሸቅል ትሉሉይ ለልሐዜቱ። እምበል እሊመ፡ እትለ ሰነት እለ ኤሪትሮፕ ምስል ሃንጋሪ ናይ ሽራክት ዕላቃት ዋድዮት ሀሊት።

ሀዬ እት ቀበት ዐድ ምንገብኦ ወእት ካርጅ እብ ንቅጠት ሰኔት ወፊሆም ዛይድ ቱ መድረሱቶም ለልክተም። ለምን ለትፈናተየ ጃምዓት ለእንረክቡ ተቃራኒም ለልክብን ቱ። ገሌ ደረሳይ ለደርሰው እትን ጃምዓት ሰሜት ቅዲት ለሐድገው ሀለው። እግልሚ፡ ዝያድለ ብዕዳም ደረሰ ሰበት ትሰመው ቶም። ክእኒ ሰበት ገብኦ ሀዬ፡ ብዝሓት ጃምዓት መስለን ጃምዓት ቻይና ርኤነ ምንገብኦ፡ እብ ፍድብክ ደረሳይ ሰበት ልትረይሐ ክል ሰነት ምናሕ እግል ደረሳይ እት ለሀደብ ልትረኣዩ።

አስክ እለ ካርጅ እንዴ ነድኦናሆም ለደርሰው ደረሰ 600 ደረሳ ባጽሓም ሀለው። አስክ እለ እበ ሀሊት እግልዬ ሐብሬ ምን እሎም ደረሰ እሎም ዎርት ደረሳይ ሌጣቱ ፍገራት ሐዋኒት ለአምጽኦ፡ ህቱመ እብ አከይ አደቡ ሰበት ትጠረዛቱ እት ኢኮን፡ እብ ድራሱ ኢኮን። ለብዕዳም ላኪን ለንቃጦም ሰኒ ወኣማን ለልትሐምድ ቱ። እት ናይ ማስትረይት ድራሱቶም እብ ንቅጠት ውቅል ሰበት ለአተሞ፡ ለእተን ደርሶ ዐለው ጃምዓት እግል ኢልሕዶገን ናይ ደክቶረይት በክት ለሀደባሆም ወክም ለአተላላፊ ወድያሆም ልትረኣዩ ሀለየ። እለ ሀዬ ለእት ኤሪትሮፕ ለሀለ ለሐሰ ገዝም ወበቃዐት ተዐሊም ለወዴሕ እግልካቱ ቤለ ፕሮፌሰር ዘመንፊሴ።

“እብላ ገበይ እለ ሐቀ ሄረርን እት መስተቅበል እብ ደረጃት ውቅል ለልትደሐሮ ደረሰ ሰበት በዝሐ፡ ለእት ኩልየት ለሀሊት መቅደረት አዳምን ወእብፍንቱይ መደርሲን እንዴ ትወቀለት ለምን ካርጅ እብ ሰላዲ ካርጅ ብዝሕት ሸቅል ጸብጣም ለሀለው ውላድ ካርጅ እንዴ በደለው ለትብዴ ዐለት ሰላዲ ካርጅ እግል አንቀሶት፡ እምበል እሊመ እብ መስኦልየት ወነሳሐት እግል ሐዎም ውውላዶም እግል ለአድርሶ ቶም። እሎም ለእት ውብራት ለሀለው ሸባብ ወሻባት ሀዬ እለ በክት እለ ለረክቦ እት ስታት ውብራት፡ እት ስያሱት ወንዝም ውብራት ወክምስልሁመ እት ብሐሰ ለትፈረረው ሰበት ገብኦው፡ እት ጠወርት አሸቃሎም እዴ ዛይደት እግል ተሀሌ እግልሎም ቱ። ሰበት እለ ክምስለ ሕክሙት ልብ ካርየት እቱ ለሀሊት ጠወርት መቅደረት አደመ ክም ዐቦት ታመት ወጠን ለልትሐሰብ ወቀይ ቱ ገብኦ ለሀለ ወሰክ” ፕሮፌሰር።

ክምስለ ዐቦት ወመትቀዳም እት ነውዕየት ሸባብ ወሻባት ለተንክበት ጋብኦት ለሀሊት፡ እግል እሎም ሸባብ ወሻባት ሀዬ፡ ለልትሐዜ ወእብ መቃደስ እዲን ለገይሰ ድራሰት ሂበት ናይነ ምህመት ሰበት ገብኦት፡ ምህመትነ እት አትመሞት ንትረከብ ሀሊኦ። እብሊ ሀዬ፡ ለሐሰ አብካት እት መትቀዳም ወዐቦት ዐድነ እዴ ዛይደት ሰበት ቡ፡ እበ ትወቀለት እግል ነአተላልዩ ቱ እት ልብል መቃበላቱ አትመመ መስኦል እዳሪት ወዕላቀት ካርጅ ውቅልት ለጅነት ኩልየት ዐድነ ፕሮፌሰር ዘመንፊሴ።

እት ጀሪደት እንግሊዝ ‘ERITREA PROFILE’ እብ ሻብ ሰሕፊ ከሰቱ ገብሬሂወት ለገብኦት መቃበላት ምስል መስኦል እዳሪት ወዕላቃት ካርጅየት መክሰሳት ተዐሊም ውቁል ኤሪትሮፕ ፕሮፌሰር ዘመንፊሴ ጸጋይ ዋዲ ዐለ። ሕናመ ለመቃበላቱ ምስል ሸባብ ወሻባት ለትገይሰ ወለትነፍዕ እት እንተ ሰበት ረክብናህ፡ ለመቃበላት ጭመመ እብ ክቱብ እግል ንቀድም እግልኩም ቱ፡ ቅራኣት በኪተት።

መክሰሳት ተዐሊም ውቁል ኤሪትሮፕ ወፈርዕ ብሐሰ ክል-ዶል እግል ጠወርት መቅደረት አዳም ወእብ ፍንቱይ መቅደረት ሸባብ ወሻባት እግል ትወቅል ትካድም ሀሊት። እለ ሀዬ እግል እት መክሰሳት ተዐሊም ውቁል ሸቀ ለሀለው ሸባብ ወሻባት ሌጠ እቶም እንዴ ኢትትክለብ፡ እት ለትፈናተ ውብረት እግል ሸቀ ሀለው ሸባብ ወሻባትም ክፈል እለ አብካት እለ ክም ገብኦ ትወዴ ሀሊት። እለ መክሰሳት እለ እብ ሰለሰ ገበይተ መቅደረት አዳም እግል ትጠውር ለትካድም።

ለአወላይ በክት እት ቀበት-ዐድ እት ኩልያትነ ናይ ግሪ መድሐራት በክት ፍትሐት፡ እለ ሀዬ በክት እግል ደረሰ ሸባብ ወሻባት ሂበት እት ገብኦ፡ ለካልኣይ በክት ሀዬ ካርጅ እንዴ ጌሰው ናይ ግሪ መድሐራት ድራሱቶም እግል ለአተላላፊ በክት ሂበት ወሰላላሳይ እብ ገበይ መራሰለት ለልትሀየብ ናይ ግሪ መድሐራት ድራሱት ክምክም።

እግል ድራሱት ውቅል ግሪ መድሐራት አስክ ካርጅ ለገይሶ ደረሰ ለመጃል ለእግሉ ደርሶ እት ቀበት ዐድነ እንቡት ይህለ ገብኦ ምንገብኦ ቱ አስክ ካርጅ እግል ሊጊሶ ለልትአጀዝ እግሎም ልብል ፕሮፌሰር ዘመንፊሴ።

ፕሮፌሰር ዘመንፊሴ እበ እግል ረዩም ለሀደፊ ስታት እት ሸፊሕ ክእነ ልብል፡ “ቀደም እለ እት ቀበት ዐድ እንቡት ለሀለ ተዐሊም ግሪ መድሐራት ክም ከረ ማስትረይት እንዴ አተረፎክ እት ናይ PHD ደረጃት ወቀሎቱ ቱ፡ አስክ እለ እበ እት ናይ ማስተርስ ለሀለ መጃላት ተዐሊም እንዴ ቀየምን እግል አፍይሐቱ እግል ንክደም እግሉቱ፡ ሰበት ሀዬ፡ ሸባብ ወሻባት እብ ዕልብ ብርኩት እትለ ደረጃት እለ እግል ልብጽሐ ሳታም ሰበት ሀሊኑ” ቤላ።

እትሊ ወክድ እለ ለሀለ ናይ ግሪ መድሐራት መጃላት እት ክለን ኩልያት ዐድነ ክምስለ ልትሐዜ ምንመ ኢገብኦ፡ እት ኩልየት ዕሉም ወቱክኖሎጂ ኤሪትሮፕ እት አርበዕ መጃል ናይ ማስትረይት ድራሰት ልትሀየብ ሀላ፡ እት ኩልየት ሐርስ ሐመልማሎ ሀዬ ናይ 5 መጃል ድራሰት ግሪ መድሐራት ወእብ ፍንቱይ እብ ደረጃት ማስትረይት እግል ልትሀየብ ምን አንበተ ሰኔታት ሐሉፍ ለሀላቱ። እት ኩልየት ዕሉም እጅትማዕየት ዐዲቀይሕ ሀዬ ናይ ዎርት መጃል ናይ ግሪ መድሐራት ለልትሀየብ ድራሰ ሀላ፡ እት ኩልያት ዓፍየትመ ለክምስልህ። እትለን ኩልያት እለን ሀዬ ብዝሓም ሸባብ ወሻባት እብሊ

በክት እለ ደረጃቶም እንዴ ወቀለው እግል ሸዐም ወሕኩመቶም ከድሞ ሀለው ልብል።

እት ቀበት ዐድ ናይ ግሪ መድሐራት ድራሱቶም ለታብዖ ደረሰ ለሐሰው ለገብኦ እቡ አሰባብ ብዙሕ ምንማቱ፡ ለእግደ ምኑ ላኪን እት መትወጣይ መንሀጅለ ድራሰት ቱ። እለ መንሀጅ እለ ምስለ ወጠን ለትጠልቡ ዝዛም ተዐሊም ለትዳለ ሰበት ገብኦ ለሐሳቱ፡ ደረሰ እግል ድራሰት ግሪ መድሐራት አስክ ካርጅ እንዴ ጌሰው ዶል ደራሱ ላኪን፡ ምስል ለገብኦ መናህጅለ ጃምዓት እግል ልትዋፈቀ ህለ እግሎም። እምበል እሊመ ለእት ቀበት-ዐድ ናይ ማስትረይት ድራሱቶም ለልክተላላፊ ደረሰ እግሎም ለልትደፊዕ ማል፡ ምስለ ካርጅ እንዴ ጌሰው ለደርሶ ለልሐዙወ ማል ለሐደ ገብኦ።

እለ ማል እለ ሀዬ፡ እብ ሰላዲ ካርጅ ለልደፊዕ ሰበት ገብኦ ሰኒ ወኣማን ቃሊቱ ልብል ፕሮፌሰር ዘመንፊሴ። እግል መስል ዎርት ደረሳይ ለእግል ማስትረይት ልድረስ አስክ ካርጅ ለገይሰ ምን ልውሕድ ናይ 3,000 ዶላር ማል ለሐዜ። እትለ ዐድ ደርሰ ምንገብኦ ሀዬ ለእግል ድራሱ ለፈግር ማል እት ፍንጌ 17 ወ18 አልፍ ዶላር ገብኦ። እለ ናይ ሰር ፈርግ ሀለ እግሉ።

እምበል እሊመ እት ቀበት ዐድ ለልትሀየብ ድራሰ ለልትሐሬ እቡ ምን ለሀሊ፡ ጽቦዋለ ተዐሊም እብ ክሉ መቃደሱ ሰበት ልትራቀብ ወልትጌመም ቱ። ምን እብ ብዕዳት ጃምዓት እት ካርጅ ለልትሀየብ ድራሰ ለሐይሱ፡ እምበል እሊመ በቃዐት ተዐሊመን እግል ትራቅቡ ወትጌምሙ ሰበት ኢትቀድር እለ ቱ ወሌሂቱ እግል ቲበል እቱ ኢትቀድር። ብዕድ ሀዬ፡ ለእግል መድሐራት ለልትዳሌ ውራቅ በሐሰ እበ እት ቀበት ለሀለ ደረሳይ ዶል ልዳሌ መሻክል ኤሪትሮፕ እት ለገብኦ መጃላት እንዴ ሐፍዝ ሰበት ለአቀርብ፡ እለ ሀዬ እግል ደውለት ለነፊዕ ቱ። ፊጅር ምን እለ በሐሰ እለ እንዴ ትብገሰክ ሕሉል እግል ትባሰር ትቀድር እንዴ ቤለ ፕሮፌሰር፡ ምናተ ለእት ካርጅ ለደርሰ ደረሳይ እለ በሐሰ እለ ምን ኤሪትሮፕ በረ ሰበት ወድዩ መክሰሰ እግል ልትረከብ ምኑ ኢቀድር።

እትለን ለሐልፊየ 10 ሰነት እት መጃል ግሪ መድሐራት አስክ ካርጅ ለነድኦናሆም ደረሰ ሐድ 600 ደረሳይ ገብኦ። እለ ሀዬ እግል ናይ ማስትረይት ወደክቶረይት ድራሰት ዐለ። እትለ ሰነት እለ ሀዬ ለመጽእ



ክሩይ ህለ ከባደቱ አክል አየ ክም ተ እግል ትጌምም ትቀድር።

እብ አሳስ ሐብሬ ፕሮፌሰር ዘመንፊሴ፡ ደረሰ ናይ ግሪ መድሐራት ድራሱቶም እግል ልታብዖ እት ከረ አፍራቀ፡ አርቤ፡ አሚሪኬ፡ ህንድ፡ ቻይና፡ ጃፓን ወግብለት ኩርየ እቱ ለሀለየ ጃምዓት ቱ ደርሶ ለሀለው። ደረሰ ናይ ግሪ መድሐራት በክት ተዐሊም ክም ረክበው ምስለ መክሰሰት ተዐሊም ውቁል ናይ ውፋቅ ወሲቀት እንዴ ፈረመው ቱ እለ በክት እለ እግል ልትነፍዖ እቡ አስክ ካርጅ ለገይሶ። እብ አሳሰለ መፋህመት ሀዬ ሐቱ ሰነት እት ካርጅ ዶል ደርሱ፡ እት ዐድክ እንዴ አቅበልክ ናይ 2 ሰነት ክድመት ተሀይብ። 2 ሰነት እት ካርጅ ደረሰክ ምንገብኦ ሀዬ ናይ 4 ሰነት ክድመት ተሀይብ ወእብላ ገበይ እለ ሀዬ ምኑ ወኪን ጸንሐክ ምንገብኦ እት ልትባዛሕ ለገይሰ ቃትን ዱሉይ ሀላ። ለደረሳይ እለ መፋህመት እለ እንዴ ፈረመየ እት መዓል ይአውዐለየ ምንገብኦ፡ ለትደፍዐ እግሉ ማል እግል ልብለስ ልትቀሰብ።

እለ መፋህመት እለ አስክ እለ ምንመ ትዳሊት፡ እት መዓል ውዕለት ይህሊት። ምናተ አኪድ አነ ሐቱ አምዕል እት መዓል እግል ትውዐል ቱ ቤለ ፕሮፌሰር።

እብ መክሰሰ ወጠን ሸባብ ወሻባት ወደረሰ ኤሪትሮፕ ለልትሀየብ ሰጭቲት



## ልግብ ግንራራብ በሐር

ዎሮት ለቢብ እተ ግንራራብለ በሐር ዎሮት ነፈር ሰኒ እሱፍ ወእት ሀመት ክሩይ፡ ወእትለ እዲነ ብዙሕ መግሀፍ ወሽንሀት ዋዲ፡ ወብዙሕ ለአትማርር ርአ። ከክም እነ ቤለዩ፡ “እንተ ጅነ ልብክ እንዴ ከሬክ ሰምዐኔ፡ ኒበል እንተ ምን ቅያስ ወለዐል ታጅር ወጽጉብ እት እንተ፡ እት ጀልበት ጸዐንኩ፡ ወእለ ጀልበት እተ ምግብለ በሐር እንዴ ትፈረቀት ከማይ እንዴ ኦተ ዲበ ሐዮትክ እት ብቆት ምን ትትከሬ፡ እትለ እዲነ አክል አዩ ወትገሀፍክ?

እተ ዶል ለሀ እምበል ሰላመት ነፍሰክ እብ ሚ ወትሻቀልክ? ከእለ ሰላመትክ ዐውለ ወላ ክሉ ለዐለ እግልክ ማል ወትጃረትመ ምን ገብእ፡ ባል ወሀብካሁ ገብእ? እምበል ሰላመት ርሕክ ብዕድ ለሻቅለክ ጋር ወዐለ ገብእ? ቤለዩ። ኢፋሉ እት ልብል በልሰ እቲ። ከአኬ አንተ፤ “መልክ ናይ እለ እዲነ እብ ግዲደ ዐልክ ኒበል፡ አመተ አለቡ እግል ልቅተሉክ ለለሐዙ ዲብ ሕድ ምን ከርፉኩ፡ ሽንሀትክ ለእለ ብክ ኩለ እንዴ ጠለቅክ ሰላመት

ነፍሰክ ሌጠ ወኢገብአት መስለክ? ወእክል ሰላመት ነፍሰክ ለልትዓደል ጋር ሚ ሀለ ገብእ?” ቤለዩ።

“ሰኒ ህታተ” እት ልብል በልሰ እቲ። ከክምእነ እት ልብል ወሰከዩ፡ “ከዮም እለ እናስ ለታጅር እንታ ቲ፡ ወላመ መልክ ለእሉ ነህድግ ህሌነ እንታ ቲ” ቤለዩ። ለእናስ ህዩ እለ ህግያለ ለቢብ ልቡ አብረደት እሉ ወላመ ሀሙ ወለቀሙ እተ ዶሉ ትባልሐ ምኑ።

### ለለአትስሕቅ ዕልማይ ሐቃይቅ

- እግል ፈረሰ ተማም እንዴ አትቃመትናሁ፡ ዲቡ ልትጸዐን ለዐለ ነፈር እብ ሚ ሰብብ ክም ሞተ እግል ነኣምር እንቀድር። ከለ ክልኤ ቀዳምያት እግሩ ክልኢተን ክብ ብህላት ሀለዩ ምን ገብእ፡ ለበዕሉ እት መዕረከት ክም ሞተ ነኣምር። አው ህዩ ሐቲ ምነን ክብ ዋድዮት ህሌት ምን ገብእ፡ ለበዕሉ እብ ሰብብለ እት መዕረከት ለሳደፈዩ መሓክር ክም ሞተ ነኣምር። ምናተ ለእገሩ ክልኢቲ እት ምድር ካይድ ህለ ምን ገብእ፡ ለበዕሉ እብ ገበይ ጠቢዕዩት ክም ሞተ ነኣምር።

- ብዕደት አማን ህዩ፡ ዕንታትክ ፋቲሕ እት እንቲ ሀጠሽክ ምን ገብእ፡ ለዕንታትክ እግል ልትፈራገዕ ቲ፡ አው ህዩ ለህጣሽት ገበይ ከልአካህ ምን ገብእ ሰይጣትክ እግል ልትሳበር ቲ።

- ገሌ ምነ እግል በርናምጅ “ሰፖንጅ ቦብ” ለለዐፋ አንፋር፡ ህዮም እት ሐን ማይ ክም ህለው ክሉ ክሉ ልትረሰዎም። እሊ ህዩ አሰክመ ለበርናምጅ ለልትረሰዮ እተ ደረጀት ሰበት ለአበጾሖም፡ ለእሉ ለዐፋ ህለው ጋር ብዙሕ ኢልሸዕሮ እቡ፡ ወክሉ ባሎም ዲብለ ገበይለ ህግዩ ወለእሉ ልርኡ ሰወር ሰበት ወድዎ፡ ለትትብህል ህሌት ሂገ ክሉ ረእሶም ልብ ኢከሩ ዲቡ።

- ቦደት አማንመ፡ ጀው እተ በርድ እቲ ወቅት፡ ምን አመረ ለልትረአው ከዋቢስ ሰኒ ወአማን በዝሐ፡ ወትርሃን ለፊቱ አንፋር ዝያድ ክሎም ዓቅላም ቶም።

- እተ ናይ ደንጎበ ሐለቀት ናይ “ቶም ወ ጄሪ” እግል አጀኒት ለሻቅሎም ጋር ሀለ ምን ገብእ፡ ክልኢቶም ሰበት ለአንትሕሮ ቲ። ወእምበል እሊመ እተ ኮናን ለልትብህል በርናምጅ ተሕቂቅ እግለ አጀኒት ለሻቅል ብዕድ ጋር፡ ለቅሰት እት ደንጎበ ነሃዩት በ መኢፋለ ለልብል ጋር ቲ፡ ከእብ አማን ነሃዩት ቡ፡ ህቲ ዲብ “ሺትሺ” ልትበደል፡ በህለት ሻብ ለአቅብል።

- ምን ሰፈላል ናይ ዎሮት ነፈር እግል ነአወልዋ እተ ነሐዜ እቲ ወቅት፡ ለሰፈላሉ ሰኒ ወአማን ትዝይድ ዲብኩ፡ ወእግል ንትረሰዐ ለእንጃህድ ነፈር ሀለ ምን ገብእ ለባልነ ሰኒ ወአማን ዲቡ ለአንተብህ፡ ወክል ዶል ምን ፊቃዶነ መትወርካይ ለአቤኑ።

- ገሌ አንፋር ጤነ ቤትሮል በህ ልብሎም። ወእሊ ህዩ ሸእ ቀራብ መሰል እቶም። ምናተ ለአማን ጤናታትለ ቤትሮል፡ ምስለ እት ሐንገልነ ለልትረኩብ መርከዝ ምትዐት ዕላቀትቡ።

### ተበሰም

ዎሮት እት ሚዳን ኩረት እግር፡ ክልኦት ፈሪቅ እተ ልተልሀው እቲ ዐለው ወቅት፡ ቤረግ ጸለም እንዴ ረፍዐ ተሐት ወለዐል እት ልትሳሰዔ ምን ረአዉ፡ መለሀይ እንተ ደሐንካቲ? ዶል ቤለዉ፡ ህቲ ህዩ አነ ምሽጄዕ ናይለ ሐከም አነ ቤለዮም።

### መዕሉመት

- ምግባይ ዐቅል ፓፓጋሎ አክል ዐቅል ወድ ሐምስ ሰነት ጀኔታይ ገብእ።

### በህል

#### እሙራም

- “እት ሰልፍ መዕነት ናይለ እግል ቲበለ ለተሐዜ አምር፡ ሐር ክም ሐዜክ ተሃጌ።” (ኤብክቲሎስ)

- “ለሔሰ ሰራይ ገሮብ፡ ባል ሃድእ ቲ።” (ናፖልዮን ቦናፓርት)

- “በንኪ እት ወቅት ሰመ ቃውዐት ደ’ለት ለልሀይበኩ ምናተ ዝላም እግል ትትቃጠር ዶል ተኣነብት ለደ’ለት እግል ትብለሰ እቲ ለልትሰኣለክ መኣሰስ ቲ” (ሮበርት ፍርስት)

- “ሐቲ እሲት እግል ዎሮት እናስ ምን ቅያስ ወለዐል ለትከርህ ሳደፈተክ ምን ገብእ፡ ለእሲት ሐቲ ዶል እግል እሊ እናስ እሊ ምን ቅያስ ወለዐል ትፈትዩ ክም ዐለት ትዮቀን።”

#### ጣዓም

እት ሰነት 1980 ወድ አምሪካ ላቲ ሮበር ግራሃም ክላርክ ለልትበህል ምልዮኔር፡ እግል ዘርእ ወድ ተብዐት ለገብእ በንኪ እግል ልፍተሕ ሰተተ። ምናተ ለበንኪ እሊ ዘርእ እሊ ምነ ጃእዘት ኖቤል ለትከበተው አንፋር ሌጠ እግል ልጅምዑ ቀረረ። ወእለ ለወደ እበ ምስምስ ዎሮት ሰኒ ዓቅል ወፈዳብ ላቲ ግም እግል ልምጸእ ምን ሐዛቲ። ምናተ ግራሃም እሊ ዘርእ ወድ ተብዐት ምነ ጃእዘት ኖቤል ለትከበተው አንፋር ሌጠ እግል ልትከበት ለወደዩ መጅሁዳት ብዙሕ መታክል ሰበት ሳደፈዩ፡ አሰክ ርያድዩን ወሰኒ ዓቅላም ላቶም አንፋር ትወለቡ። እሊ በንኪ እሊ ሐቆ ሞትለ ምልዮኔር እት ሰነት 1999 ክሉ ረእሰ ትደበኣ።

#### መን አምሳል ዝይል

- ፈተ ወቅዲት ክሉ ረእሰን ኢልትሐብዐ። (ሲንዩን)  
- እት መሐፊዙቲ ሰላዲ ለአለቡ ነፈር፡ እት ንሳሉ ሐሪር እግል ለሀሌ እሉ ወጅብ። (ማሊዝዩን)

#### መንፊዐት

#### ዐባይ ለቡ ወእግል

#### እዲናክ ለለአረቴዕ ነሳዬሕ

1 - ለሰልፋይት አሕላምክ እት አማን እግል ትበድሎም ለትነሰኣ ከዋወት..ምን ስካብክ እተ ዶልክ እንዴ ፈዘዕክ ከሙባሽረተን እት ሸቅል ዶል ትትፈረር ቲ!

2 - ውላድክ አክል-ሕድ እብ ፍቴሕ ወዐድል ታለዮም፡ እግል ዎሮቶም ሰበት ፈቲካሁ አውመ ዝያደ ሰበት ተአቀርቡ ምንለ ብዕዳም ዝያደት ኢተሀቡ. እለ ወዴክ ምን ገብእ እሊ ዝልም ክም ቲ አምር!

3 - ክሎም ለትብል ዘዐት ምነ ትደገግ. ህተ ዲብ እለ እዲነ ለዐቤት ዘዐት ዝልም ተ!

4 - ሕኔት እት ወቅትክ ወርቡሽ እት እንተ ትመጽእ፡ ድንጉር ወርዮሕ እት እንተ ምን ተዐሬ ልሐይሰ!

5 - ልብክ ናይ ምስጢርክ መቅበረት ውደዩ!

6 - ከሳረት ዶል ትሳድፈክ ትሰሐቅ፡ በኬክ ምን ገብእ ክልኤ ዶል እግል ትክሰር ቲ!

7 - እት ወቅት ንእሽክ ትትሐለሞም (ተአናክዮም) ለዐልክ ጋራት ክል ዶል ፍቀዶም፡ ወለከያላት ወምን አማን ለፌመውመ ልምሰሎ፡ እት አማን እግል ትበድሎም እብ ክለ ሐለትክ ትጻገም!

8 - ትጃረት ተዐለም. . እሊ ህዩ ማል ጀላብ እግል ትክሰብ እንዴ ኢገብእ፡ ምነ ምስል ማል ለትወደዩ ተዓምል እግል ተአምር ወእግል ትድረስ እንዴ ትቤ ውደዩ።

9 - ወለ ክሎም አዳም ቅብላትክ እንዴ በዋረው ልትጋደቡኩ ለገበይ ለርሕክ ትፈትዩ ኢትጠልቀ ወእለ ሌጠ ታሌ!

10 - አዋራፍለ አጫብዕትክ እብ አንያብክ ኢትጋርቦም፡ ዲብ እለ እዲነ እሎም እንዴ ሰኣንክ ዐውሉ አክሎም ለገብእ ጋር ሰበት ይህለ!

11- ለእለ ትነብር ምህለት ሓልፈት እግል ትግበእ እት ቀደሚህ ሐቲ ምህለቲት ሌጠ ታርፈት እለ ህሌት፡ ከዲብ ሐያትክ ለገብአት ምህለት እት ዐመል ኬር ትነፈዕ እቡ።

12 - ዎሮት ነፈር ለልትነፈዕ እቡ አግቡይ እግል ተሓኬ መእግል ትፋሌ ለቀ’ለ ጋር ቲ፡ ምናተ እሊ አግቡይ ለናዩ ለፈቲ አንፋር፡ ክም ልትከለቡክ እግል ቲዴ ላተ ሰኒ ሰዱድ ቲ።

14 - ለቀ’ለት ገበይ ክል-ዶል አትዐገቦት ብዕዳም ትገብእ እት ህሌት፡ ለትደቀቡት ገበይ ህዩ አትዐገቦት ኖስ ተ።

15 - እት ግራክ ለለሐሚክ ነፈር ሐሰናቲ ለሀይበክ ወዝኑብክ ለሐጽብ እግልክ ክም ሀለ አምር፡ እለ ህዩ ዐባይ ንዕመት ተ፡ ምናተ እንተ ለሐሰናትክ እግል ብዕዳም እግል ኢተሀበን ሕሳብክ ውዴ።

### በህል

- ክልኦት ሰረቂት ዶል ልትበኣሶ ለሰሩቅ ዐለ ልትፈረግ።  
- ሰሚዕ ለኣክ በሊስ ለኣኬ።  
- ክም ሐዜክ እት እንተ ለትፈትዩ ወሀም እግል ትትባለሰ፡ ወእሊ ወሀምክ ወሀም ክም ቲ ዩቂን ሐቆ ሀለ እግልክ ምሽክለት አለብኩ። እሊ ጋር እሊ ሐቆ ምን ሐቅካ ቲ፡ ምናተ እሊ ወሀምክ አማን እት መሰል እትክ አንበተ ምን ገብእ፡ እንተ ግድም እት ዐባይ ብቆት ክሩይ ህሌኩ።

- ሰር ናይ ወቅትነ ዲብ አሕላም ሌጠ ነአበድዩ ምን ኢነዐሌ፡ ሰር ናይለ እሉ ንትሐለም ጋራት እት አማን እግል ንበድሉ ወቀደርን ዐለኑ።

#### ዝበድ ዘያታት

ሕነ ምን ፈነ ክሉቃም ሕኩ እብለ ምስምስ እሉ፡ ዐውለ ሰነዕ እተ ዶለ ፈናሆም ቲ ለልትፈሀመኑ፡ ወእት እዴነ ጫቅማሞም ለህሌነ ጋራት አክል አዩ ቃልያም ክም ቶም ብዙሕ ልብ ይእንክሬ እቶም።



(3<sup>ይ</sup> ክፈል)

# ዝክረት 25 ሰነት እስትፍታኝ

ለሐልፈተኑ ሳምን በሀላት ምን የምን 23-25 ማየ፡ ለቀደም 25 ሰነት ኤሪትሮፖ ነስኦተ ከዋወት እስትፍታኝ፡ ኤሪትሮፖ ለነስኦተ ምስዳር ቃኑንየት ሕክም ዛቲ፡ ለሸራሕ “ ዝክረት 25 ሰነት እስትፍታኝ” ለልብል መውደዕ 3ይ ወናይ ደንጎበ ክፋሉ እሊ ተሌ ቱ፡ ቅራኦት በኪተት።



እስልፍ ለወኪል መዝመት ምጅልስ ቅራን ዲብ ረፈረንደም አሪትሮፖ እንዴ ገብኦ ሹኩክ ለዐለ ሚስተር ሰሚር ሰምበር ወእብ ክሱስ እስትፍታኝ አሪትሮፖ እተ ለቀደመየ ከሊመት፡-

“ካይስ ሪኢብ፡ እስትፍታኝ አሪትሮፖ ለራቅብ ልኡክ መዝመት ምጅልስ ቅራን፡ እብ ኦሳስለ ዲብ የም 16 ወሬሕ 12 ሰነት 1992 ለሐልፈ. ቀራር ዕልብ 74 እዝባር 114 ዓም እጅትማዕ ምጅልስ ቅራን ቱለትሳደቀ፡ ስልጠት መተቅብላይት ጀሀት መዝመት ምጅልስ ቅራን ዲብ እስትፍታኝ አሪትሮፖ፡ ሰብ ስልጠት መፈወድየት ሪፈረንደም አሪትሮፖ ወእፍርዐት፡ ክምሰሌሁመ መፈወድየት እስትፍታኝ እብ ክሉ ኦጅሀዘተ፡ እት ክሉ ወራታት ናይለ እስትፍታኝ፡ ኦትባዳይ ወቅሸሽ ዐለ ሚኢትን እግል ትራቅብ// ለተሀየበ አሰዋት እግል እስትቅላል ታምም ለወክል ክም ዐለ እግል ትራቅብ ወተኦክድ// ለእስትፍታኝ ክሉም መዋጥኒን እብ ዐዳለት ለሻረከው

ዲቡቱ ሚ ፋሉ// እት ወሳእል ዕላም፡ ክሉም መዋጥኒን እምበል ፈናታይ ረኣየም እግል ልሸረሐ ኦክል-ሕድ በክት ለለሀይብቱ ሚ ኢትን እግል ትራቅብ// ወሳይቅ ተሰጂል እስትፍታኝ እብ ዋጅብ ለትዳለ ወለተኦክብ፡ ብቅዓም መሸተርክት ናይለ እስትፍታኝ ዐለው ሚትን እግል ተኦምር// ለለሐሩ መዋጥኒን ክሉም ብጣቃት ጅንሰየት ወክርት

እስልፍ ለወኪል መዝመት ምጅልስ ቅራን ዲብ ረፈረንደም አሪትሮፖ እንዴ ገብኦ ሹኩክ ለዐለ ሚስተር ሰሚር ሰምበር ወእብ ክሱስ እስትፍታኝ አሪትሮፖ እተ ለቀደመየ ከሊመት፡-

ተሰዊት ክም ተሀየበው እግል ኦክዶት// እግል ልሕረው በክት ልትሀየቦ ወልትናየቶ ዐለው ወለ ልትከልኦ እግል ፈረጎት// ወዲበ እስትፍታኝ ምን ቃኑን በረ ላቱ መትኦታይ እደይ ለትፈናተው ሰብ-ሰለጠ እግል ኦብጠሮት ወብዕድ ለልትቀደም ጥርዓናት እንዴ ትረኦ ወትሰምዐ፡ ሰብ ስልጠት መፈወድየት እስትፍታኝ አሪትሮፖ ምስዳር ራትዐት ክም ነስኦ እግል ሐበሮት ቱ። እት ረኣሰ እሊመ፡ ተሰጂል ናይለ ዲበ እስትፍታኝ ለሸርክ ሸዐብ፡ በሰር ወዐገል ናይለ ተሰዊት፡ ቀደምለ እስትፍታኝ ለዐለ ተውዕዶት፡ ዐለቦት ኦክሩት ሕርያን፡ ዐለኖት ፍገሪት እስትፍታኝ ወብዕድ ወራታት እግል ራቀቦትቱ ለትየመምን።

ለወፍድ መዝመት ምጅልስ ቅራን፡ ዲብ ክሉም ኦቃሊም አሪትሮፖ ወካይሉ እንዴ ነድኦ፡ ምን የም 23 ኦስክ የም 25 ኦፕሪል እተ ለገብኦ እስትፍታኝ፡

እት ክሉ መራክዝ ሕርያን ክም ሻርኮ ወደ። ለምህም መትቅብላይት መጅመዐት መዝመት ምጅልስ ቅራን ዲብ እስትፍታኝ አሪትሮፖ፡ ምን 21 ድወል ዐለም ለትፋገረት 21 ነፈር ለበ እት ገብኦ፡ ዲብ ወሬሕ 2 ሰነት 1993 አሪትሮፖ ኦቴት። ቀደም ሐተ ሳምን ምን ኦምዕለ መትኦምባት እስትፍታኝ ህዬ፡ እት ረኣሰለ ዐባይ መራቅብይት ልትጀነት 100 ለገብኦ ብዕዳም መተቅብለት መዝመት ምጅልስ ቅራን ትወሰከው ዲቦም። ምን ሐረስ እሊ፡ እስትፍታኝ አሪትሮፖ፡ 38 ድወል ዐለም ክም መተቅብለት ሻረከየ ዲቡ። እምበል እሊመ እግል መራቀብትለ እስትፍታኝ ዲብ ኢትዮጵያ ወሶዳን ዛያድ 40 ለገብኦ ብዕዳም መተቅብለት ትየመመው። እት ረኣሰ እሊመ መዝመት ምጅልስ ቅራን ለሸቅለ እስትፍታኝ እግል ትራቅብ፡ እተ ዲብ ለትፈናተ ድወል ዐለም ለነብሮ አሪትሮፖን ለልትረከቦ ዲበን ድወል ዐለ ለወደው ሕርያን እግል ትትፈረጅ ዲብ ለትፈናተ ድወል እድንየ ወካይለ ለኦክት። ምን ሐረስ እሊ፡ መዝመት ምጅልስ



ቅራን እንዴ ወክልኮ ወረታዐት እስትፍታኝ አሪትሮፖ እብ ክሉ መቃዩሱ፡ ሐር ወዓድል ክም ዐለ ሸሃደቹ ህይብ እንዴ ህሌኩ፡ ሐበን ልትሰምዐ። እብለ መናሰበት እሊ፡ እግል ዲብ ዐወቶትለ እስትፍታኝ ለትትሐመድ መሻረከት ለኦርኦው ምን ሸዐብ ኦስክ መስኡሊን ዐባይ አሪትሮፖ ሐምድ። ዝያድ ክሉ ህዬ እግል ዲመ ለኢንትረስ ኩብቱ ወሕድርኖት ዛይደት ለወደ እግልን ሸዐብ አሪትሮፖ ሐምዴን ቅያስ ኦለበ። ለሸቅልን ምስል

ለተሌ ፍገሪት እስትፍታኝ አሪትሮፖ እብ ርስሚ ዐልን እንዴ ህሌኩ ለልትሰመዓኒ ፈርሐት ወሐበን ቅያስ ኦለበን። እብ ዓ'መት ዲብ ቀበት አሪትሮፖ ክርንቶም እግል ለሀቦ ለትሰጀለው መዋጥኒን፡ 1 ሚልዮን 173 ኦልፍ ወ706 እት ገብኦ፡ ምን እሉም 1 ሚልዮን 156 ኦልፍ ወ 280 መዋጥኒን ዲበ እስትፍታኝ ሻረከው። እሊ ህዬ፡ ምን እግል ልሰውቶ ለትሰጀለው 98.52% ክም ሰወተው ለለኦክድ እግልና ቱ።




ሸዐብ ለለኦትራክብ ሰበት ዐሉ፡ እብ ዔማታት ኦክባር አሪትሮፖ በሀላት እብ ፊድዮ፡ ተለፍዝዮን ወጀራይድ፡ ክምሰሌሁመ እብ ዔማታት ኦክባር ዐለ'መ ምን ገብኦ፡ ወራታትን ለተሐብር ተረት ሰበት ዐለት እግልን፡ ለገብኦት እግልን ሰዳይት ወራትን ለተዐውት ሰበት ዐለት፡ ካምዴ ተኦስትህሉም” እንዴ ልብል ሸርሐ።

መፈወድ መፈወድየት አሪትሮፖ ዶክተር ኦማሬ ተኻለ እብ እንክሩ እተ ለቀደመየ ከሊመት፡ “ፍገሪት እስትፍታኝ አሪትሮፖ እብ ኦሳስ ኦዋጅ መፈወድየት እስትፍታኝ አሪትሮፖ ዕልብ 22 ሰነት 1992 ማደት 6 ሕሰበት ክቱብ 2 ወማደት 41 ወ47 ለተሀየበት ስልጠት፡ እለ

ምን ለሰወተው፡ 1 ሚልዮን ወ100 ወ260 ነጥም እግል እስትቅላል ቤለው። 1.822 ህዬ ኢፋል ቤለው። 382 ኦክሩት ተሰዊት ከርበ ከዲብ ሕሳብ ይኦተ። እሊ ዕልብ እሊ፡ እግል ዲብ ሰንዱቅ ስቱር ለሰወተው 53 ኦልፍ 878 ኦሰዋት ለከምክም ኢትን። እለ ኦምዕል እሊ፡ እግልዬ ወእግል መልሀምዬ፡ ኦምዕል ሐበን ወፋሽ ተ። እሊ ተቅሪር እሊ ዲብ ሪኢስ ሕክመት አሪትሮፖ ኦሰይድ ኢሰያስ ኦፍወርቂ እቀድም እንዴ ህሌኩ፡ ሐበን ልትሰመዐ። ሹክረን።

ደክተር ኦማሬ ተኻለ፡ መፈወድ መፈወድየት እስትፍታኝ አሪትሮፖ ኦስመረ 27 ኦፕሪል 1993





**ፌዴሬሽን ኩረት እግር ኤረትርያ ተአሂል መሰላለት መቅደረት ገሮብ ፊፋ ነሰኝ ህለ**

ከም አተላላይ ናይሊ ፊደራሽን ኩረት እግር ኤረትርያ መቅደረት መጃላቱ እግል ለአተርድ ወድዩ ለህሊ ካድም ምን ዮም 7-12 ማዮ 2018 ለእንሕ እት መቅደረት ገርብ ለተንከብ ተአሂል ( Fifa Fitness Coaching Course) እት አፌት መክተብሊ ፊደራሽን ገብእ ህለ።

ለምሳሌ ወክድ ለገደሰ ወእብ ገበይ ዕልምዮት ለተለ ተአሂል እብ ፍዕል ወነዘር ልትሀዩብ ለህላቱ። እሊ እግል መአህላት እብ ኢንስትራክተር ብንገዮት ገርብ እብ ፊፋ ለትዝመ እት ገብእ። እብ ወድ ዲንማርክ ዬንስ ኤሪክ አንደርሰን ልትሀዩብ ለህላ። ምን ክለ ዐድኅ ለመጸው አርበዕ አንሳት ለልትሪክስ እቶም 32 ነፊር ሻርኮ እቱ ህለው።

ለእት ፈሪቅ ጁሸንጉቤ ወፈሪቅ ኢጣልየ ተጃርብ ለቡ መደርብ ማርሲሎ ሊፒ በዐል መቅደራት ብንየት ገርብ እንዴ ገብአ ለሸቀ ኢንሰትራክተር ሚስተር አንደርሰን እት መክሰቲል

ተኣሄል እተ አስመዐየ ከሊመታ፡ ለበርናምጅ ደደራሽን ኩረት እግር ኤሪትሮየ ተኣሄል መቅደረት ገርብ እግል ወቀሎት ወድዩ ለህለ ወራታት ዐቦት ኣተላላይ ናይለ “module” ለልትብህል ወራታት ክም ቱ እት ወድሑ፡ ለህለ እግሉ ተጃርብ ኪሉል እግል ልዐዴ ምስል ሰብ መቅደረት ኩረት እግር ኤሪትሮየ እንዴ ትላህ ክም ሸቄ ወደሐ።

ርዲስ ፊደሬሽን ኩረት እግር ኤሌትርየ አሰድድ ኢሰያስ አብርሃም እብ እንክሩ፡ ተአሂል ነስኦ ለህለው መካህለት ለቀደም እለ ናሰአሙ፡ ዐለው ተአሂል እግል ወቀሎት ፍቶሕ እግሎም ለህለ በክት እብ ዋጅብ እግል ልትነፍዮ እብ ወዶሮም እግል ልግቡ ትወሰኑ።

ፌዴሬሽን ኩረት እግር ኤረትሮፖ  
ለከለፈ ወሬሕ አፕሪል ሰነት 2018  
ምን ክለ ዐደኅ ለትወከለው ሕክም  
እብ ገበይ ፊፋ ናይ ሕክሙት ተአሂል  
ሃይሮም ክም ዐለ ልትአመር።

ፀላቃቱ ዋና ኮ. ዓ. ር. ኦ



**ወራታት ርያደት መዳርስ አቅሊም ምግብ ተመ**

ሚጀር ጀነራል ረመዳን ዑስማን አውልደይ ውብዕዳም ውቁላም መስኦሊን ሕኩሙት ወጀብሀት ለሐድረወ መኖሰበት እታቱ ናይ ካቲመ ጅግራታት ለገብኡ። እት ጅግረ ኩረት እግር አንሳት 2ይት ደረጃት እት ናይ ካስ ጅግረ ለትራክባይ መዳርስ ሰምበል ወአስመረ ሐፊሻዊ ዐለዩ። ለእብ ክልኦት ለፈሪቅ ናይ መትዐዋት መዐነውዋት ለትርኤት እተ ትልህዩ፡ ፈሪቅ ሰምበል ቱ እተ ናይ ሰልፍ 45 ደቂቀት ናይ ሚርሒት ጎል ኡቱይ ለዐለ።

ግረ ዕርፍ ክልሉት ለፈሪቅ ትልህህ ሰኔት እግል ለአርኤ ምንመ አንበቡ፡ እት ሸግዲት ክል-ምኑ ፈሪቅ ለትለክነት ኩረት እት ሰበት ይግረፈት፡ ትልህህ እብ ዐውቲ ፈሪቅ ሰምበል 1 እብ 0 ተምመት። እብሊ ህዩ፡ ፈሪቅ አንሳት 2ይት ደረጃት መድረሰት ሰምበል ሻምፕዮን ሰነት 2017/2018 መዳርስ አቅሊም ምግብ ገብአት።

ሐቀሆን እንዴ ተለዩ እት ሚዳን ለትርኦ ኖረቅ ተብፅን መዳርሰ ሓድነት ወበሐር ቀየሕ ዐለ። እሊ ኖረቅ እሊ ለወከለው መተልሆየት እት ብንየት ገርቦም ምንገብእ ወመቅደረት ጽብጠት ኩረት ለሀይክ ምን ለሀይ ለሐሰ ሰበት ዐለ። እብ መተቅብለት ኩረት ከብቲ ሰኔት ራካባም አጸበሐው።

እተ ሳልፋያት 45 ደቂቀት እብ ክልኣት ለፈሪቅ እግል ልእቴ ለቀድር ጀርባታት ምንመ ገብኡ፡ ሀደፋ እግል

ልብጸሕ ሰበት  
ኢቀድረ፡ ትልሆ  
እብ ናይ ሕበር  
ዐውቲ 0 እብ  
0 እግል ዕርፍ  
ፈግረው። ግረ  
ዕርፍ ለተለየ 45  
ደቂቀትመ ጎል  
ሰበት ደሐት እተን  
ክልሉት ለፈሪቅ

ምን ክም ልትወድ ምኑ እግል  
ፈንተዮት እት ሪገሌታት በጽሐው፡  
እብሊ ህዩ ፈሪቅ ሓርነት እግል ፈሪቅ  
በሐር ቀየሕ 3 እብ 2 እንዴ ቀልበ  
ተወዛተ።

እምበል እሊመ እት ሐቲ ኢነት ምስሊ ገብእ ለዐለ ጅግረ ኩረት እግር ጅግረ ናይ 800 ምትር ጅግረ ኣትሌቲክስ ወሪላይ ጋብእ ዐለ። እት ናይ ምግባይት ደረጀት ጅግረ ኣትሌቲክስ፤ እብ ኣዋልድ ኣንጎት መድረሰት ቅብለት ምውዳቅ ጸሓይ ትትዐወት እቲ እት ህሌት፤ እብ ተብዕን ህዩ መድረሰት ቅብለት ምፍጋር ጸሓይ ነስኣተ። እብ ፅሙማይ ንቃዋ ምዴርየት ቅብለት ምፍጋር ጸሓይ እት ጅግረ ኣትሌቲክስ ምግባይት ደረጀት መዳርሰ ኣቅሊም ምግብ እዳ ዛይደት ጸብጠት።

እት ናይ 2ይት ደረጃት መድረሰት  
ጅግረ ኣትሌቲክስ ኣንጎት መድረሰት  
ኣስመረ ሐፈሻዊ ትትዐውት እቲ እት  
ህሉት፡ እብ ናይ ተብዕን ህዪ መድረሰት  
ሐላይ ተዐወተት። እብ ዓመት፡

እትሊ ገብእ ለወርሐ  
ጅግራታት ርያደት  
መዳርስ አቅሊም ምግብ፤  
እት ናይ ምግብይት  
ደረጀት ምዴርየት  
ግብሉት ምውዳቅ ጸሐይ፤  
እት ናይ ጌይት ደረጀት  
መዳርስ ህዬ መድረሰት  
አስመረ ሐፊሻዊ  
ለትወቀለየ እንዴ ገብአየ



**ጀዋእዞን ነሰአየ።**

መስኩል ተዐሊም አቅሊም ምግብ አስይድ በላይ ተሰፋጋብር እተ አስመዐዩ ከሊመት፡ “ናይ ዮም ዓመት ሳምን ርያደት መዳርስ አቅሊም ምግብ እት አሌላት ዒድ ሕርየት ገብእ እብ ሀለዮቱ ፍንቲት ነያረት ሀበ” እንዴ ቤሉ፡ እት ናይ ዮም ዓመት ሳምን ርያደት መዳርስ አቅሊም ምግብ ምን መአንብታይት ደረጀት አስክ 2ይት ደረጀት ለልትመደድ እት ገብእ፡ እት 10 ለትፈናተ ወራታት ርያደት ጅግራታት ክም ገብእ እንዴ ሐበረ፡ እብ ዓመት እትሊ ጅግረ እሊ 12 አልፍ ደረሳይ እት 734 ፍረቅ እንዴ ትካፈለው ክም ሻረከው ኡብርሀ፡

እት ገሌ ናይ መአንብታይት ወምግብይት ደረጀት መዳርሰ አቅሊም ምግብ ታመት ብንዩት ትሕትዩት እግል እሊ ጀግረ እሊ ለትጉብእ ሰበት ኢህሉት ስቱት ለዐለ በራምጅ ርያደት እቱ መታክል ክም ገብአ እንዴ ወደሐ አሰይድ በላይ፡ መሻረከት አንሳት እት ክሉ መጃላት ርያደት እብ ዓመት እት ጅግረ ዐጃላት ህዩ እብ ፍንቱይ ሽቅል ፍንቱይ ክም ለአትሐዜ እንዴ ወደሐ፡ ፈሬፊ ተዐሊም አቅሊም ምግብ እትለ ጋራት እለ ለትመጽእ ህሉተ ሰነት እህትማም ፍንቱይ እግል ሊዴ ክም ቱ አከደ። ዕዉታም ፍረቅ ወርያድዩን ለትዳለ እግሎም ካሳት ወመዳልያት ምን ውዘረእ ተዐሊም ወሲያሐት ክምሰልሁመ ሓክም አቅሊም ምግብ ወምፊወድ ርያደት ወዓዳት ኤረትርዮ ጀዋእዞም ነስአው።

**ዲህ ይገኛል**

እትለን ለሐልፊዎን ሰነብት ለገብአ ጅግረ ፕሪመርሊግ ብዙሐ ዐጃይብ ለትረክ እቱ ጋብእ ዐለ። ንኣይሽ ፍረቅ እግል ዐግዩ ፍረቅ ለኣተብረከዩ እቱ ጅግረ ትረክ። ፈሪቅ ማን ዩናይትድ ጊይት ደረጀት ኣካት እግል ልኣክድ ሰለሰ ንቅጠት እግል ልንዝቦ ምስል ፈሪቅ ብራይቶን ለወደዩ ትልህዩ እት ኣክር ደቃይቅለ ጅግረ ለልኣክጅል ጎል እቡ ሰለሰ ንቅጠት ትንዝዐዩ ምኑ። ፈሪቅ ብራይቶን ህዬ እብለን ሰለሰ ንቅጠት እለን እንዴ ትሰደ። እት 11ይት ደረጀት ትወቀለ ወምን ኣቅበሎት ግረ እት ጊይት ደረጀት ፕሪመርሊግ ነገ።

ፈሪቅ ክሪስታል ፓላስ እግል ፈሪቅ ስቶክ ሲቲ 2 እብ 1 ሰበት ቀልበዩ፡፡ ፈሪቅ ስቶክ ሲቲ ምን ጅግረ ፕሪመርሲግ እግል ልትሳረሕ ቅሱብ ህለ። ፈሪቅ ዌስት ፕሮሚፕት እግል ፈሪቅ ቶተንሃም 1 እብ 0 እንዴ ቀልበዩ ህቲመ ምን ወዲቅ ወዐቅበሎት ግረ እት ክረዕ እንዴ ትሰቀለ ለህንጦዋል ልትረከብ። ፈሪቅ ኤቨርቶን ወሳውዝሃምፕቶን ህዩ 1 እብ 1 ተዓደለው፡፡ እብሊ ተዓድል እሊ ህዩ ንቃጡ እት 33 ንቅጡት ሰበት በዋረ፡፡ ፈሪቅ ሳውዝሃምፕቶን አስክ እሊ እት ከዋ ወዲቅ ምስል ፍረቅ ሰዋንሲ ወዌስት-በሮሚፕት ልዓረክ ህለ።

እብ ሚርሒት ፕሪመርሊግ እንዴ አወልወለ ለዐርባ ለሰአን ፈሪቅ ማን ሲቲ ምስል ፈሪቅ ሂድላሰራልድ ታውን እቲ ወደባ ትልህባ 0 እብ 0 ምንመ ፈግሪ፡ ለበዲር ክሪቲ ዋድሁ ለዐለ ካሰ ፕሪመርሊግ እግል ልሀርስ ቀድራ፡ እብሊ ህዩ ሻምፕዮን ጅግሪ ፕሪመርሊግ ሰነት 2017/2018 ጉብኡ።

እት ብዕደት ትህልዮ ዶል ንትዑ፡ ፈሪቅ ፔልሲ እግል ፈሪቅ ሊቨርፑል 1  
እብ 0 እንዴ ቀልበ እት ሳልሳይት ደረጀት ለህለ ፈሪቅ ሊቨርፑል እብ ፈሪቅ  
ቶተንሃም እግል

ኢ. ልትዐንቀፍ እትብቀት ከሩፋ ህለ። እብሊ ህዩ ፈሪቅ ጌልሲ እተሳልፋዎም ለ4 እንዴ ገብእ ጅግራሁ እግል ለአትምም ሰአየት ራክብ ልትረከቡ።



## አክባር መተልህየት ኩረት እግር

አንቶንዮ ማርሰያል ምን ማን ዩናይትድ እግል ልፍገር ቱ ትብህለ  
ምስል ምጽት ሳንቼዝ ምን አርሰናል አካን ሰኢን ለህለ መሃጅም  
ፈሪቅ ማን ዩናይትድ አንቶንዮ ማርሰያል እትለ ከረም እለ ለፈሪቅ  
ምኑ እግል ልፍገር ክም ቀድሮ መደርብለ ፈሪቅ ሞሪኖ ኑር አክደር  
ሃይቡ ክም ህለ ልትሸረሐ ህለ። ህቱ ምን እለ. ፈሪቅ እለ. እንዴ  
ፈግረ አስክ ፈሪቅ ጁሸንቱስ አውመ አስክ ፈሪቅ ቼልሲ. እግል  
ለአተጅህ ክም ቀድሮ ብዝሓት ሸቡት ሐብሬ ለአፍህመ ህለዩ።  
እለ. ወድ 22 ሰነት ላቱ ማርሰያል እት ሰነት 2015 እትለ. ፈሪቅ  
እለ. ክም ተዐደ ልትአመር።

ምስል ፈሪቅ ማን የናይትድ እተ ጸንሐ እቱ ወክድ እት ሚዳን  
135 ዶል እንዴ ትከረ 36 ጎል ሰጁል እግሉ ተ።







ሽዑብ ወለመዱ



ማይ፡ እት ክሉ ኦድያን ወሙጅተምዓት ምህምቱ ወክም ጠሃረት ልትህሰኝ። እምበል እሊመ ኦሳስ ሐያት ቱ ወእት መናሰባት ዲንመ ኦካት ዐባይተ፡ቲእሊ ዮም እግል እክተብ እቡ ሐዜ ለህሌት ናይ ዲን መናሰባት ዎሮት ምኑቱ።

ደውለት ህንድ፡ እብ ብዝሐ ቆምያተ ወእድያናተ እምርተ። ምን ክሉ ለእድያናተ ህዩ ለበዝሐው ቴልየት ለቡ ሂንዱዚም ለልትበህል ዲንቱ። ኤምነት እሊ ዲን እሊ እብ “ብራህማ-ፊሽኑ-ሲሽ” ለልትበህሉ መላኢነት ለእምና። ምስል እሉም መላኢነት እሉም ክምስል ማይ ለመስል ጠቢቦታይ ርዝቅ ለእምኖ ወለቦብዶ።

ክል-ሰነት ባካት 70 ሚልዮን ለበጽሖ እግል ክሉ ክፋላት ሙጅተመዕ ህንድ ለወክሉ

ኤምነት ሂንዱዚም እት መሓዝ ጋንጅ ካንገ እንዴ መጽአው፡ ልትሐጸቦ። ህደፍ እለ መናሰባት እለ ህዩ ለሰነት እብ ተማመ ወደዉ ዘንብ እግል ልትሐጸብ ምኖም ወእግል ጠሃረትቱ። እግል እለ መናሰባት ለመርሖ ህዩ ለእት ኦድብር ወኡብዓት ለነብሮ እግል ዲን ወኦጅር ርሖም ለወፈው ቶም። እብሊ ህዩ እለ እግል ወርሕ እብ ተማሙ ለተኣተላሌ መናሰባት መርሕወ ወልድሐረ። ጨበል ምኦሻት ናይ ለነደት ግናዘት፡ እብ ድማናይ እትጀህ ናይለ መሓዝ ሐቆ ትህዘፈ ለማይት ነፈር እት ኦልኦክረ ሰኒ ክም ነብር ሰበት ለእምና፡ ብዝሓም ገናይዝ ኦዳሞም እት ድማናይ ጠረፍ ናይለ መሓዝ ለኦነዱዱ ወእተ መሓዝ ነስሱ።

መሓዝ ጋንጅ ካንገ፡ ለሐጭረ መሓዝ እት ህንድ ገብእ እት

ሀሌ፡ እት ክሉ ድዋራት ህንድ ሰበት በጽሕ ወምስለ ክም መቀድሲን ለልትኦመሮ ክልኦት መሓዝ ህንድ፡ በህለት፡ ሳርሰፍቲ ወያሞን ለለኦትሓብር ምእታይ “ኦላህ ኦባድ” ለለኦትራክብ እብ ግብኦቱ፡ እተ ምን ክል 12 ሰነት ለልትጋሮስ መናሰባት “ኑምበ ሚለ” ተረቱ ዐባይተ።

ኤምነት ሂንዱዚም፡ “መሓዝ ጋንጅ ካንገ እግል በርከትለ ቅድስት ላተ ካንገ ለትትበህል እም ክምስል ወክል” ለእምና። እብሊ ኤምነት ሂንዱዚም መሓዝ ጋንጅ ካንገ፡ ምን ዘንብ ወሕማም ጅኑን ክም ዳዌ ለእምና። እብሊ ሰብበ እሊ እተ መሓዝ ቀደም ለሐንብሶ ምን ማይለ መሓዝ ሰቱ ወገለድ በይኦ። ሐቆ እለ እግል ምስሉም ለእመጽአው እም ኦስናም ምን ማይ ለሐጽቦም። ምን ማይ ናይለ መሓዝ እት ባቃት እንዴ ነስኦው ዐዶም ክም ኦቅበለው እግል ሐመው ኦጀኒት ወመርዓዊታት ለኦሰቱ ምኑ።

ለእግል መናሰባት መጽእ ኦዳም ህዩ፡ ቀደም ፍግረት ጸሓይ ቱ እተ መሓዝ ለለኦቱ።እት ባካት ውድቀት ጸሓይ ህዩ፡ ሚርሐት ዲን እት እዴ ገለቦም መደወን ወእት እዴ ማኖም መክበረት ጸብጣም እት እንቶም እት ነሽዶ ኦስከ መሓዝ ለኦተጅሆ። ሐቆ እለ እግል ክሉም ኤምነት እንዴ ደሐረው፡ “ሕሽመት እግል እምነ ካንገ” ልብሉ ወሰለስ ዶል እተ ማይ ልተርቀሮ።



መድረሰት ዩ ቺንግ፡ እተ እብ ኦድብር ታይሃንግ ለልትኦመር ምግባይ እትጃህ ቻይነ ትትረኩቡ። ለመድረሰት እለ እት ወቅተ ሐቱ ወእግደ ዐለት። ምስል ወቅት ወተጠውር ላኪን፡ ኑብረተ ደዋይሕ ኦጀኒቶም እተ ሐር ለትኦሰሰዩ ዋወራት መዳርስ ክም ልትቀየሮ ወደዎም። ምናተ እተ መድረሰት መዲር ወዎሮት ምን እስረት ሓግለት ለልትወለድ ወድ 11 ሰነት ላቱ ሹ ጂካይ ለልትበህል ጅኔታይ ተርፈው። ለመዲር እገለ ጅኔታይ እንዴ ጠርዘ እግለ መድረሰት እግል ልግፈለ ደሚሩ ሰበት ይኦጀዘ እግሉ፡ እግለ ጅኔታይ በይኑ እግል ለኦድርሱ ቀረረ። እብሊ ህዩ እት ኦምዕልከ 8 ሕሰት እት ለኦድርሱ ሰነት ኦዶረ። ኦብሊ ጅነ ህዩ እለ እንርእየ ለህሌነ ሱረት እንዴ ሰወረ ክም ነሽረዩ፡ ሕሱራም ላቶም ዌድየት ሰን ግሩሽ እንዴ ኦትፋገረው እግል ሹ ጂካይ እት ለሐሰት መድረሰት ክም ለኦቱ ወደው ወእግለ መስል ሰኔት ላቱ ሙዲር ሕሽመት ወሽህረት ክም ረክብ ወደዉ።

ሐለዋት



- ስሙይ መትጃግራይ ቡንያት ላቱ መሐመድዐሊ ክለይ፡ እት ዎሮት ጅግረ፡ እብ ገለበይት እዴሁ ምን 70 ሲ.ሜ ለወርወረዩ ቡንየት እት ገጽ መትጃግራዩ ትከፊት። እለ እት ሳዐት 900 ኪ.ሜ መትፌታት ለዐለ እግለ ዝብጠት፡ እግል ክሉ እተ ኦካን ሓድር ለዐለ ኦዳም ለኦደንገጸት ዐለት እምበለ እበ ቡንየት እት ቅያብ ኦቲ ለዐለ መትጃግራዩ።

- ስሙይ ወድ እግለዝ ላቱ፡ ታውን ዘንድ ለልትበህል ጀነራል፡ ቅድረት ኦብጠሮት ህንደንት ልቡ ክም ዐለት እግሉ ልትኦመር። እሊ ጀነራል ሐቱ መደት እግል ሰር-ሳዐት ህንደንት ልቡ ክም ኦብጠረ እት ሰጅል ሀሊ። ለለኦትፈክር ህዩ ህቱ ኖሱ እብ ደርበት ልብ ማይት እብ ግብኦቱ ቱ።

- ሐቱ እት ዕምር ንእሽ እብ ሕማም ፖልዮ ለመስከነት ወለት ኦውሰትራልዩ ላተ ታጅረት፡ ክም ሞተት እምበል ክምስልህ ናይ እገር ምስክነ ለቦም ብዕዳም እግል ኢልቅቦረ ቀረረት ወክሉም እተ ቀብረ ለሻረከው 500 ዶላር እግል ልትህየቦ ትፋኔት።

- ምን ክትር ወጀዕ ዶል እነብዕ ፡ ለኦወለይት እንምበዕ ምን ዕን ገለብነ ትፈግር እት ህሌት ፡ ዶል ፈርሐት ህዩ እብ ዐክሰ እሊ ቱ።
- ዐነጺት ሐቆ ረብሽኑ፡ እት ቤትነ ቀጠፍ ነዕ-ነዕ እብ ነስነሶት እግል ንዳፍዕ እንቀድር። እግልሚ ዐነጺት ጼነ ነዕ-ነዕ ሰበት ኢልክህል።

ፍንቲት ስወር ርክብ



Find the 7 differences

እመኖ ወኢትእመኖ

እት ጃላይ 1954 ቱ። ሸቃለ መጣር ቶክዮ እት ዕምር 40ታት ለልትረከብ ነፈር ርቡሽ ኦስኩም እት መጽእ ረኦው፡ ለሸቃለ ሓለቱ ሰበት ኢዐጅቡቶም ጀዋዙ ክም ፈተሸው፡ ለጀዋዝ ቃኑናይ ክምቱ ምንመ ተኦከደው፡ ምን ተውርድ ለትትበህል ደውለት ክም መጽእ ለኦሸር ሰበት ዐለ እት ሸክ ገብኦው። እግልሚ እትለ ለእነብር እተ ህሌነ ዐለም ተወርድ ለትትበህል ደውለት

ሰበት ኦለቡ። እብሊ ህዩ መስኡሊን ኦምን ናይለ መጣር “ተወርድ” ለትትበህል ደውለት እት ኦየ ክም ትትረከብ እት ከረጠት ዐለም እግል ለኦርእዮምተ ትሰኦለው፡ ህቱ ህዩ እብ ሐሩቀት “እላተ ተወርድ” ቤለዮም እት ኢንዶረ ለትትበህል ደውለት እት ለኦሸር። እንዴ ኦትለ ህዩ “ደውለቼ ቀደም 1000 ሰነት ለዐለት ተ” ቤለዮም። እተ ከረጠት እብ ይህለዮተ እት ልትዐጀብ።

እት ጂቡ ህዩ ለትፈናተ ዕምላት ኦርብ ዐለት። ላመ ጀዋዙ ቀደም እለ ቶክዮ ማጽእ ክም ዐለ ወናይ ለትፈናተ ድወል ክትም ክም ዐለ ዲቡ ተኦከደው። እብ ሓለትለ ነፈር ለትዐጀበው መስኡሊን ኦምን ናይለ መጣር እት ሐቱ እብ ካሚራት ለትትዐቀብ ቤት ክም ጸኔሕ ወድዉ ወእት ከደንመ ዔቅበት ኦፍገረው እግሉ። ሐቆ ክልኤ ሳዐት እግል ልትሰኦሉ ክም ኦቅበለው እተ ቤት ለእተ ሐድገዉ ኢጸንሐዮም። ለካሚራት ምን ገንሐውመ ሐረከትለ ነፈር ሰድፈት ምን ካሚራት በዴት። እተ ቤት ሸባክ ደዐለ ወለባብመ በታተን እግል ለኦፍግር ኢቀድር።

ገሌ መትመራምረት ፓራሳይኮሎጂ፡ “ለነፈር እሊ ምን ምስል ዐለምን ኦክል ሕድ ልሂርር ለህለ ብዕድ ዐለም ለመልሽ እግል ልግበእ ክም ቀድር ወእሊ ኢንዶረ ልትትረከብ እቱ ደዋይሕ ብዕደት ተወርድ ለትትበህል ደውለት እግል ተህሌ ዲቡ ክም ቀድር ተሐሊሎም ህበው።

